

P. II. 32.

N. VII. 34

Cong. Erem. Camato. M. Argel. & p. Cras.

DE
QVANTITATE
HOSTIÆ

Contra errorem Oswaldi.

LIBER.

*In quo Historia Seefeldica
de admirabili Sacramento
explicatur.*

F. FELICE MILENSIO

Ord. Erem. S. Augustini

Vic. Gener. Germaniæ

AVCTORE.



Veritas emendet errorem,	} <i>Aug. li. VIII.</i>
Fides redarguat incredulitatem,	
Conversio corrigat auersionem.	

de Cn. Dei
Cap. XXIV

Cum consensu Superiorum

PRAGÆ,
TYPIS GEORGII NIGRINI.

ANNO M. DC. IV.

OVANITATE

HOSTIA

Contra electionem Ovarum

Epistola

In quo dicitur de Ovarum

et de electione Ovarum

Epistola

EPISTOLA MILDENSIS

Epistola Mildensis

Epistola Mildensis

Epistola Mildensis

Epistola

Epistola Mildensis
Epistola Mildensis
Epistola Mildensis

Contra electionem Ovarum

PRÆFATIO

Epistola Mildensis

Epistola Mildensis



*Si hoc uidere adhuc forsitan non
potes; crede, et uidebis. Aug. li. i. con. max.*

F.

Q

C

De



leat
bus p
ciis a
ralib
eius
intri
fodi
mun

F. FELICIS
MILENSII.


DE
QUANTITATE
HOSTIAE.

Contra errorem OSWALDI.

Liber.

De origine VVilthinensis, ac Seefel-
densis Monasteriorum.

Cap. 1.



Comitatus Tyrolensis, natu-
rali sublimiũ alpiũ præ-
sidio, ac longo Adigis tra-
ctu Italiam à Germania dis-
terminans; & tanquam ga-
leatum Prouinciæ caput, finitimis regioni-
bus prominens, duobus potissimum benefi-
ciis asperitatem suam compensauit; mine-
ralibus scilicet, atq; gigantibus. Siquidem
eius montes forinsecus ferme undiq; inuij,
intrinsecus utili arte pervij, argenti ærisq;
fodinis clari, præacutis scopulis suas gazas
muniente naturâ, nunc usq; probantur.

B

Eius au-

2. DE QUANTITATE HOSTIÆ

Eius autem gigantibus Signothum præferunt à Theodorico Rege, feliciter præliante, superatum: deinde Haymonem, & Thyrsim celebrât, inter quos hætenus non vulgaris, neq; obscura dimicatio. Haymo .n. regionem circa Oenipontem, iam clarissimam urbem, & antiquam Principis sedem, incolens, Thyrsim, non procul à Seefeld commorantem, parisor, inuasit simul atq; peremit: utrobq; duobus templis, & monasteriis, Wilthinensi, ac Seefeldensi, feliciori conamine succedentibus.

Etenim Haymo, necato Thyrsi, & immensi dracone, omnia hinc inde demoliente, strenuè defosso, Deo exercituum acceptum referens utrumq; triumphū, Wilthinæ ad Oenipontem, insigne excitat monasterium nunc à Canonicis Ordinis Præmonstratensis, conspicuâ vitæ integritate, sub regula Diui Patris Augustini inhabitatū. Vbi & linguâ, ab exsecta draconis fauce relatum, in diuini auxilii testimonium condens; & superstitem vitam sanctis operibus impendens, tandem anno DCCC. LXX. VIII. Christiano fine interiens, sepelitur; & giganteâ statuâ decumbente ad hæc vsq; tempora, piâ memoriâ honoratur. Ad instar monumenti Og
Regis

Regis Basan, de stirpe gigantum, cui scribunt stratum fuisse lectum ferreum in Rab-bath filiorum Ammon, novem cubitos habentem longitudinis, & quatuor latitudinis ad mensuram cubiti virilis manus. At Seefeld, si ob debellatum Thyrsim gloriâ minor, ob Deum tamen miraculo inibi glorificatum, gloriâ multo maior, & monasterii fundatore illustrior.

DE INSTITUTIONE

Ecclesia, & Monasterij in Seefeld.

Cap. II.

EST autem Seefeld, tenuis pagus, tribus levcis Germanicis ab Oeniponte ad Bavariam ac Sveviam vergens, ob lacuū, quib⁹ adiacet, affinitatem, à See, & feld, stagni campus, vernaculâ lingvâ interpretat⁹. Is exiguum initio templum in Dei Sanctiq; Osuualdi, Regis Angliæ, honorem, habuit; exinde parochiæ in Telfs commendatum: tum verò ob miraculū in Osuualdum Milserū, cuius errorem inferius confutabimus, altari à sua sede immoto, magna Ecclesia sub Friderico Archiduce Austriæ, an-

4. DE QVANTITATE HOSTIÆ.

no M. cccc. xxxi. extracta est, & ab Vdalrico Episcopo Brixinensi, parochiæ titulo ac muniis donata.

Dein MAXIMILIANVS PRIMVS, verè SACER ac CÆSAR, perpendens ex iisdem literis vtrumq; cōstare nomen, à bellicis ad Ecclesiastica promouenda animum æquè ac manum transtulit: & pro adorandę hostiæ reverentia; & pro successu miraculorum; & pro ampliori cultu Ecclesiæ; & pro confluentia peregrinorum, augustissimum monasterium circa annū M. D. XVIII. à fundamentis templo adiecit.

Quod, fundatore, anno proximo, decedente, inconsummatum, verū sic etiamnum Sacrā maiestate admirandum, MAXIMILIANVS Archidux Austriæ, eiusdem nominis in Austriaca familia tertius, pari nomine, ac pietate non impari absolueri iam est adorsus: illudq; Fratribus meis coëremitis, labenti anno M. DC. IV. magnā in magnum Patrem Augustinum deuotione concessit.

CONTRA ERROREM OSWALDI. §.

DE MUTATIONE ET

perfectiōe Seefeld.

Cap. III.

ITa vicinis nemoribus ad sacra edificia iam diu rarefactis, saxisque innumeris ad beatas ædes applicitis, regiâ viâ interfecante Augustam Vindelicorum versus, atque Monachium, domitum utrinque solum, colonoque subiectum. Secundum quod a Gedeoni iusserrat Dominus, ut & aram idoli Baal destrueret; & nemus, quod circa aram erat, succideret; & ibi altare Domino ædificaret; & superstruem lignorum, de nemore succisorum, sacrificiū poneret, holocaustumque offerret.

a
Iudi. 6.

Ita agrestium monstrorum loco, fidelis Christi populus successit, horridumque gigantum specus domestica Religiosorum eremaeuasit: quemadmodum & terra *b* filiorum Ammon, data est filiis Loth in possessione; ubi olim habitauerunt gigantes, populus magnus, & multus, & proceræ longitudinis sicut Enacim, quos deleuit Dominus à facie eorum, & fecit illos habitare pro eis.

b
Deut. 2.

Ita vallis, quæ Thyrsis immanitate rigebat, Christi eminentiâ extollitur, & præsentia sanctificatur, omnem omnium gigantum

6. DE QVANTITATE HOSTIÆ.

■ Psal. 18. celsitudinem superantis: qui exultauit ut gigas ad currendā viā, à summo cœlo egres-
sio eius, & occurfus eius vsq; ad summū eius.

■ Ita inaccessos lucus nunc securus aduena penetrat; & inhospita terra, peragantium cōcursu, fit celebris; personat miraculis; votis colitur ac decoratur. Sicut & terrē d pro-
■ Nam. 13. missionis, ea erat affluentia, & bonitas; vt, quamuis à monstis filiorum Enac de ge-
nere giganteo occuparetur, timore compe-
scentibus illō cupientes accedere; diceret tamen Caleb; Ascendamus, & possideamus terram, quoniam poterimus obtinere eam.

■ Deniq; sic ipsi montes non solum solitis glebulis pretiosis scatent; sed vberioribus venis (ipso sponso, cuius caput est aurum optimum, largiente) quasi in aureis atq; argenteos fontes, liquecunt. Hæc omnia non minus abundē, quā fideliter his ver-
■ Cant. 5. bis pollicente scriptura: f Si reuersus fueris ad Omnipotentem, ædificaberis, & longē faciet iniquitatem à tabernaculo tuo: dabit pro terra silicem, & pro silice torrentes aureos: eritq; Omnipotens contra hostes tuos; & argentum cōluceruabitur tibi: tunc super Omnipotentem delitij afflues; & eleuabis ad Deum faciem tuam
f
■ Job. 22. roga-

rogabis eum, & exaudiet te; & vota tua reddes: decernes rem, & veniet tibi; & in vijs tuis splendet lumen.

Quocirca sicuti *g* Bethlehem, terra Iuda, *g* nequaquā minima fuit in principibus Iuda, *g* *Matt. 2.* cum ex illa exierit Dux Israel, Saluator Mundi; ita & Seefeld, etsi numero casularum parvus sit pagus, magnitudine tamen, ac multitudine miraculorum. (vt hoc recenseam) minimē parvus: vbi (quod est præcipuum) Iesus Christus Dominus noster sui pretiosissimi Sanguinis euentiam in sacra hostia ad hunc vsq; diem mirabiliter præbuit. Quod quidem sic accidit.

DE ERRORE OSWALDI

Milseri, maiori hostiā communicari attentantur, & de sequentis inde miraculis.

Cap. iv.

Oswaldus, familiā Milseri; genere nobilis; religione Catholicus; animo grādis; ingenio curiosus; residens in Schlosberg, quod castrū est in monte, vt nomen ipsum significat, non longē à Seefeld, Anno M. ccc. lxxxiiij. Paschali tempore, quo omnes Christi fideles ex præcepto *a* Sanctæ Mariæ Ecclesiæ sub excommunicatione. *Depenit. et re. cap.*

B iiij

tionis.

Omnis u-
triusq; se-
xus et De
Conf.
dist. 2.
etsi non
frequen-
tius,

tionis pœna, & Ecclesiasticæ sepulturæ pri-
uationis, Sanctissimo Eucharistiæ Sacramen-
to refici solent; cōmunicare & ipse volens,
ad propinquam Sancti Osuualdi Ecclesiā in
Seesfeld accessit: maiori hostiā, quā facer-
dotes sacrū faciunt; & nō minori, quā laici
communicant, ambiens communicare. Cui
tandem sacerdos assentiens, alteram hostiā
maiores pro Osuualdo in ipso Missæ sacri-
ficio consecrauit.

Qui Osuualdus ad sinistrum altaris latus,
quā plerumq; in Germania laicos commu-
nicare est moris, spectante populo genufle-
xus, sublabratam hostiam, linguæ hæren-
tem, deglutire non valens; in terræ hiatum,
subtus illum protinus patefactæ, tanquam
totus absorbendus, ad genua vsq; defecit:
lapsusq; euitare procurans, dexterā, alta-
ris lapidem, quorsum ipse erat, pauidus ap-
prehendit: qui, etsi magnus, & integer, ni-
hilominus, præuaricatoris manum subter-
fugiens, non solum non nihil cātenus decli-
navit; verumetiam digitorum appulsui,
tanquam cereus, siue niueus, liquefcens, ces-
sit; & eorum confossā stigmata, ad hūc vsq;
diem reclinuit. Territus autem sacerdos,
hostiam ab Osuualdi ore resumens, eamq;
partim

partim guttis sanguineis miraculosè cruentam (ut viuæ carni dentibus percussæ, contingit) admirans, reuerenter in sacrario collocat. Osuualdus verò totam rei rationem ad sui erroris iustam diuinamq; animaduersionem referens; tantorumq; euenru tremens, ac pallens, aliquandiu in templo ipso orando deprecandoq; remansit.

Res interim omnis secundum ordinem uxori in Schlosberg coniugem suum expectanti, à famulo redeunte recitatur, moræq; causa exponitur: quæ sæpius repetita, semper inuenit incredulam. Quid (ait illa) quid? Num olitoriaæ sœmellæ ist hæc ingerere arbitraris? An putas cum puellula fabulari, vel cum amente? facesse cito, aut tace: ne mihi vltro caput obtundas. Hæccinè autumas me tam facilè crediturâ? Credam prius hunc cauticem, hunc ipsum aridum, quem vides, in vernantes rosas erumpere, quàm quod narras: hoc citius credam.

His dictis (ô mirum) is idem cautex, tanquâ viride naturalèq; rosarium, formosissimas, ac frangrantissimas rosas (suo auctori obediente naturâ) statim fastigando produxit. Ipsa verò in sua perfidia ob-

10. DE QUANTITATE HOSTIÆ.

stinatior, natos flores impiâ manu excerpens, temereq; violando proiecit: neq; impunè. Nam confestim mentis delirio sauciata, per siluam Scharnitz furens, atq; oberrans subitâ morte deperiit.

Vir autem eius his omnibus exactè compertis, vitam in meliorem frugem conuertens, monasterio Stambsensî, Ordinis Sancti Bernardini, duobus circiter milliaribus à Seefeld, situ (vt ipsum nomen sonat) aspero atq; saxoso, se abdicans, molestatam, in quâ venerat, ægritudinem æquo animo ferens, & hanc ipsam suæ penitentiæ adiungens, biennium superstitis vitæ duram humum pro cubili, rigidum lapidem pro cervicali sibi elegit. Eoq; tempore sacrâ Communione refectus, quam cō humilius suscepit, quò magis in eam pridem se peccasse nouerat; eoq; reuerentiùs, quò magis eius veritatem quantitatemq; tremendo miraculo expertus erat; tandem in Domino obdormiuit: & in sacello inibi à suis maioribus constructo humatus, lapideo dein monumento recolitur: eiusq; memoriæ, atq; deuotionis ergo, bursa Corporalis ex veste, quam tempore miraculi gestabat, collecta, vsq; nunc in eodem monasterio conseruatur. Viro itaq;

CONTRA ERROREM OSWALDI. II.

itaq; & vxori communis thorus, non commune sepulchrum: qui consortes in concubio fuere, vtinam consortes in gloria. Ille n. b. tanquam lignum plantatum secus ^b decursus aquarum, fructum suum dedit in ^{psal. 1.} tempore suo: foliumq; eius non decidit; quia in via peccatorum non stetit, & in cathedra pestilentie non sedit: hæc verò, vt impia, non sic; sed è viuis, tanquam puluis, sublata, quam proiicit ventus à facie terræ: quoniam nouit Dominus viam iustorum, & iter impiorum peribit.

QVOD PRESBYTER, LAI-
cum hostiâ maiori communicando, peccauit.

Cap. v.

TRes igitur circa eundem casum, eo tempore, peccauerunt: sacerdos talem hostiâ perniciosè dispensando: Osualdus eam insolenter appetendo, petendo, ac suscipiendo: & mulier, miraculis inde subsequitis, perfidè resistendo. Peccasse verò sacerdotem, ex tribus breuiter demonstrabimus.

Primum, respectu cõsuetudinis Ecclesiæ, quam est transgressus. Ritus n. Ecclesiasticus

22. DE QUANTITATE HOSTIÆ.

stici in triplici genere collocantur: Quidam in scripturis canonicis commendantur; ut communicatio Corporis & Sanguinis Christi: Quidam ex Sanctorum traditionibus, œcumenicisq; Concilijs habentur; sicut anniuersaria commemoratio Dominicæ Passionis: Quidam secundum diuersam hominum pietatem introducti per regiones variantur; sicut ieiunare, vel non ieiunare in sabbatho. Circa consuetudines tertij generis, facere quisq; potest, quod in ea Ecclesia, ad quam venit, inuenerit, docet & S. P. August. De duobus autem primis generibus; ubi diuinæ scripturæ præscribit authoritas, non esse dubitandum, quin ita agere debeamus, ut legimus. Similiter si quid horum tota per orbem frequentat Ecclesia. Nam & hinc, quin ita faciendum sit, disputare, insolentissimæ inquit esse dementiæ. Itaq; cum sacerdotes maiori hostiâ sacrificare, & laicos minori communicari, antiqua & vniuersalis sit Sanctæ Ecclesiæ consuetudo; contra eam temerè facientes, præcipuè ij, ad quos speciatim attinet talium rituum notitia, & obseruantia; non censentur iuxta transgressionis grauitatem, plus minus, à peccato immu-

Ad In-
nuar. de
uarijs
conf. Re.
Ep. 118.

to immunes. Quare de his, qui sacrificando, variè errabant, sic lege cautum est: *b* De cætero aliter, quàm cæptum est, faciens, tandiu à sacrificando cessabit, quandiu legitimâ pœnitentiæ satisfactione correctus, ad gradus sui officium redeat, quod amisit.

Rursus respectu populi propter scandalû. Nam videntes aliter Osuualdum communicare, quàm vnquam cæteri laici consueuerint, iustè poterant admirari, & in periculofam aliquam dubitationem facillè deuenire; ac in eundem forsitan errorem Osuualdi incidere: quasi meliorem, vel maiorem partem Sacramenti, & Christi Corporis haberet, qui maiorem sumeret hostiæ quantitatem. Poterantq; vel contra presbyterum murmurare, eum partialem vocando: vel iniquè conqueri de ipso Deo, quod non etiam eos nobiles ac diuites fecerit. Cum tamen legatur: *c* Edent pauperes, & saturabuntur: & alibi: Simul in vnum diues, & pauper. Cumq; Dominus noster hoc Sacramentum instituens, neminem excipiendo, dixerit: *d* Accipite, & comedite: eosq; communicando, sic se totum omnibus, ut totum singulis, sine differentia personarum præstiterit. Non enim alterius

b
De cons.
dist. 2.
Cum
EUSEB.

c
Psal. 137.
& 48.

d
Matt. 26.

14. DE QUANTITATE HOSTIÆ.

alterius generis, vel maioris quãtitaris portionem dedit Bartholomæo, qui & nobilis & Philosophus fuisse dicitur inter Apostolos; quàm Matthæo, qui fuerat telonarius; vel Petro, qui erat pifeator; vel Iudæ, qui erat futurus proditor.

Cum igitur hoc fuerit scandalum datum; sacerdos, qui scandalum dedit, peccauit; dicente Domino: *e* Necesse est, vt veniant scandala: *væ* autem homini illi, per quem scandalum venit. Quantum verò sit *væ* culpæ huiusmodi, ex quantitate *væ* pænæ, superius positæ,prehenditur: Qui scandalizauerit vnum de pusillis, istis, qui in me credunt; expedit ei, vt suspendatur mola asinaria in collo eius, & demergatur in profundum maris.

Porrò respectu ipsius Osuualdi. Quandoquidem vel in confessione illius (si illius confessionem audierat) vel in productis rationibus, dum is huiuscemodi hostiam petijt, petentis errorem scire sufficienter potuit; vel saltem ex ipsa insolenti petitione discernere. Et sic videtur ipse ad eundem errorem, ad minus ministerialiter, concurrisse: qui prudenter cauere poterat, & debebat. Gregorius n. Maximo scribens

béns, inquit: *f* Si alij excessus desint, pro *f*
 ista solummodo culpa superbiæ, Dominici *In Regis.*
 te Corporis ac Sanguinis Communione pri- *cap. 125.*
 uamus. Interim verò secundum ordinem
 charitatis eum corripere poterat, & secun-
 dum pastoris officium dirigere, ac erudire;
 iramq; Domini metuendo cuitare, *g* vā *g*
 comminantis pastoribus Israël, quòd infir- *Ezech. 34*
 mos non consolidassent; ægros non sa-
 nassent; con fractum non alligassent; & ab-
 iectum non reduxissent.

Sic tamen fieri permisit Deus: Primò re-
 spectu suæ immensæ bonitatis manifestan-
 dæ; vt illà postmodum mediante hostià,
 gratias erogaret innumeras; suisq; pi-
 gnus visibile ac pretiosum pristinæ dona-
 tionis concederet. Quemadmodum &
 Adæ culpam permisit, ob quam *h* benigni-
 tas, & humanitas Saluatoris nostri Dei ap- *Tit. 2.*
 parauit. Deinde, respectu sacerdotis, vt hoc
 exemplo cauerent cæteri, aliter tractare
 Ecclesiastica Sacramenta, quàm ab ipsa ma-
 tre, ac magistra Ecclesia constitutum est.
 Tertiò respectu ipsius hostiæ, vt veritas, &
 totalitas Corporis Christi in Eucharistia
 claro, & perenni miraculo probaretur.
 Tum respectu Osuualdi; vt patenti poenâ
 sequen-

16. DE QUANTITATE HOSTIÆ.

sequente, latentem cerneret plagam; & confessus errorem, humiliter exigeret veniam. Deniq; respectu populi: ne vllò hæresum astu (quibus hâc illac Germania dissecabatur) à fidei catholicæ stabilissima petra diuellerentur: sed diuini iudicij vltionem! seuerissimam formidarent. Inde q; iusti manifestâ Sâguinis Dominici visione consolarentur: peccatores verò, vitâ emendatâ, dignè ad tantum Sacramentum accedere disponderentur.

Anno
1604.
Die 5.
Aprilis
Fer. 2.
post. Do.
Pass.

Ego verò, quantum in me est, fateor, vbi
semel ante tremendum illud altare, in
cuius tabernaculo hostia admiranda recon-
ditur, sacrum facturus astiti; qui paulo an-
tè, ipsum terræ hiatum, nunc ferreis cancel-
lis subductum, inspexeram; qui ipsum la-
pidem in inferiori altari, vbi res contigit,
digitis obsignatum, intuitus eram, qui ho-
stiam ipsam Sanguineo colore diuinitus
tinctam & videram, & adoraueram; ho-
rum omnium magnitudinem cum magni-
tudine peccatorum meorum conferens, atq;
animo voluens, præ timore simul ac reue-
rentia vix quidem pedibus consistebam; vt
an Missam absoluere possem, etiam, atq; e-
tiam dubitarem. Sæpius tamen mecum
illud

illud iterans; *k* Domine non confundar, *k*
 quoniam inuocaui te, inde statim fortitu- *Psal. 30.*
 dinem sensi, vnde donum timoris Domini
 sentiebam.

QVOD NON PECCAVERIT

Presbyter obijcitur, & respondetur.

Cap. vi.

IAm obiectiones, quæ fieri possent, ad pre-
 sbyteri transgressionem indulgenter excusa-
 dâ, pro clariori casus solutione discutiamus.

Prima est. Saluator noster communi-
 cavit Iudam traditorem; ergo sacerdos po-
 tuit communicare Osuualdum peccato-
 rem. Dico: Aliud esse, exhibere hostiam
 maiorem laico; aliud exhibere absolutè
 hostiam peccatori: obiectio non concludit
 de primo, sed de secundo. Quatuor autem
 modis Eucharistiam dari contingit: vel be-
 nè malo, vel malè bono: vel benè bono, vel
 malè malo. Benè malo datur, quando in
 materia, & forma debita, nec non secun-
 dum ritum Sanctæ Matris Ecclesiæ datur;
 verum, qui sumit, indignè sumit. Et tunc,
 vel inscio dante, vel conscio: si inscio, nulla
 est dantis præuaricatio, sed malè recipientis.

C

Non

18. DE QUANTITATE HOSTIÆ.

A
In Psal.
143.

Non malum est, quod datur (inquit Augustinus) sed bonum malo in iudicium datur: bene esse non potest male accipienti, quod bonum est. Si conscio dante, aliterque fieri non potest, ne delictum, vni notum, cæteris innotescat; datur quidem sine culpa dantis, sed non sine culpa suscipientis. Sic Christus Iudam communicauit; tum, ne prodicionis scelus occultum publicè expanderetur; tum, vt egregium suæ patientiæ exhiberet exemplum: **b** qui traditorem suum tantâ patientiâ pertulit, vt ei primam Eucharistiam, confectam manibus suis, & ore suo commendatam, sicut cæteris Apostolis traderet, Ait Augustinus. Et alibi; **c** Simul in vnum diues, & pauper: non diuisi, non separati: tempus messis hoc faciet, manus ventilatoris hoc poterit: Nunc simul in vnum audiant diues & pauper: simul in vnum pascantur hædi & agni, donec veniat, qui segreget eos, alios ad dexteram, alios ad sinistram. **d** Ad hoc enim altare, quod nunc in Ecclesia est, in terra positum, terrenis oculis expositum, ad mysteriorum diuinorum signacula celebranda, multi etiam scelerati possunt accedere, quoniam Deus commendat in hoc tempore

B
Aug. in
Psal. 10.

E
In Psal.
43.

A
Lib. 50.
Homeliar
Hom. 1.

pore patientiam suam. Accedunt enim ignorantes, & quoniam patientia Dei ad penitentiam eos adducit: illi autem secundum duritiam cordis sui, & cor impœnitens thesaurizant sibi iram in die irę & reuelationis iusti iudicis Dei, qui reddet unicuique secundum opera sua. Secundo modo potest dari, malè bono; quando defectus non est ex parte recipientis; debitè præparati; sed ex parte dantis, in aliquo supradictorum necessariorum deficientis: & tunc reatus esset solum in dante. Tertio, datur bonè bono, cum neutrinque adest defectus in requisitis. Quarto, malè malo; quando à ministro indebitè datur, & à sumente indignè recipitur: et tunc utrinque peccatur; ut est in hoc casu.

Secunda. f Achimélech sacerdos dedit f
Dauidi panes propositionis, quibus vesci licitum erat solummodo sacerdotibus; et Achimélech propter hoc in scriptura non reprehenditur: ergo & hic poterat sacerdotali hostiâ laicum irreprehensibiliter communicare. 1. Reg. 21.

Quod quidem authoritate Domini confirmatur, qui Pharisæis, Apostolos increpantibus, quod spicas in sabbato vellerent,

g
Luc. 6.

h
De Cena
Domini.

i
j. Leuit.
24.

k
Lib. 5.
in Luc. 6.

respondit. g Nec hoc legisistis, quod fecit
Dauid, cum esuriret ipse, & qui cum illo
erant, quomodo intrauit in domum Dei,
& panes propositionis sumpsit, & manducauit,
& dedit his, qui cum ipso erant, quos
non licet manducare, nisi tantum sacerdotibus?
Porro de iisdem panibus ait Diuus Cyprianus:
h Per singula sabbata i panes propositionis
jam frigidi & duri mutari consueuerant,
& calidi panes eiusdem numeri in mensa
proponi; jam nulla fit panis mutatio: vnus
est panis caloris continui, status integri,
qui semel oblatus Deo, in sapore dulcissimo,
& cādore purissimo perseuerat. Nec solos
sacerdotes ad panes huius dignitatis
Leuiticæ prærogatiua admittit, vniuersa
Ecclesia ad has epulas inuitatur: æqua
omnibus portio datur: integer erogatur.
Et Sanctus Ambrosius duas addens rationes,
dicit: k Quomodo autem ille obseruator
legis, atq; defensor panes & ipse manducauit,
& dedit ijs, qui secum erant, quos non
licebat manducare, nisi tantum modo
sacerdotibus; nisi vt per illam demonstraret
figuram, sacerdotalem cibum ad vsum
transiturū populorum? siue, quod omnes
vitam sacerdotalem debemus imitari:

tari: siue, quia omnes filij Ecclesiæ sacerdotes sunt: vngimur enim in sacerdotium sanctum, offerentes nosmet ipsos in hostias spirituales Deo. Ex his dilucidè apparet panem illum fuisse figuram Eucharistiæ, & ostendisse, fore tempus, scilicet Euangelij, quo sacerdos, & populus, non pluribus, ac diuersis; sed vno eodemq; sacro pane, eademq; hostia vesci deberet.

Ad quæ dico; & primò ad primum: quòd multæ intersunt differentiæ. Prima, quia ille erat simpliciter panis; & tametsi Corpus Christi figurabat, non tamen continebat: hic autem est secundum accidentia, panis; at secundum substantiam, est ipsum viuum; ac verum Corpus Christi. Secunda: quia Achimélech dedit in casu extreme necessitatis, cum non esset ibi tunc alius panis; & David, & pueri fame deficiebant: hic autem sacerdos dedit nulla exigente necessitate, cum aliæ essent, vel esse possent hostiæ minores pro laicis communicandis. Tertia, quia quando David petijt, erat solus, interrogante Achimélech; *Quare tu solus, & nullus est tecum?* licet postea pueri etiam comederint, allato testimonio puritatis: hic autem publicè; quod sine aliorum

22. DE QUANTITATE HOSTIÆ.

scandalo minùs poterat fieri. Quarta: quoniam ibi fuit puritas ex parte sumentis, diligenter à sacerdote explorata: hic autem nō modica immunditia cordis Osualdum, de hostiæ quantitate titubantem, & de se nimis sentientem, sædabat. Quare exemplum de Achimélech absolutè non persuadet; & consequentia rem propositam non concludit.

Ibid.

Ad verba Christi adducta; dico, quòd textus idem se ipsum declarat, subiungens; Et dicebat illis, quoniam Dominus est filius hominis, etiam sabbati: id est, quod multo magis auctoritatem haberet dispensandi; arguendo à minori ad maius, vel à figura ad veritatem: quodq; ille sacerdos potuit in eo casu, tum ob recitatas rationes; tum quia figuram Christi gerebat, sine scrupulo dispensare.

Ad testimonia Cypriani, atq; Ambrosii, dico: Hostiam sacerdotalem duobus modis considerari; vel quantum ad substantiā; vel quantum ad accidentia. quantum ad substantiam, nulli dubium est, quin communis sit vtrisque; communio; æqualiterq; communicet sacerdos ac laicus: nam hic & ille sumunt vnum idemq; Corpus Christi, æqualis

æqualis quantitatis, & virtutis in minori
 hostia, vt in maiori: *m* Nunquid enim di- *m*
 uisus est Christus? Immo laicus cum ma- *1. Cor. 1.*
 iori profectu sumeret, quàm sacerdos, si sa-
 cerdotem in dignitate præcellentem, in
 merito ac præparatione superaret. Et de
 hac quantitate loquuntur dicti Doctores.
 Sed quantum ad accidentia maioris aut mi-
 noris quantitatis specierum panis, remanet
 inter sacerdotem & laicum, cō dicendas ra-
 tiones differentia.

Tertia. Est præceptum Ecclesiæ commu-
 nicandi semel in anno saltem in Paschate:
 cui Osualdus forsitan non paruisset, si ma-
 iori hostiâ non communicasset: sacerdos
 ergo non dandus, inobedientiæ Osualdi
 fuisset particeps. Dico: quod est etiam præ-
 ceptum Ecclesiæ, dare in materia & forma
 debitis, & cum circumstantijs consuetis:
 volensq; obsequi vni præcepto Ecclesiæ, nō
 debebat alterum transgredi; multoq; minus
 in perniciem gregis. Neq; enim vno die Pa-
 schatis se coarctat Ecclesia, cū potuisset,
 differendo ad tertium, & octauum diem,
 aut Osualdum à tali opinione interim re-
 mouere; aut aliud remedium opportunum
 canonicè adhibere.

Lex namq; merito
 C iijj limi-

24. DE QUANTITATE HOSTIÆ.

limitauit tempus, & sapienter prouidit in casu; post mandatū immediatē subiungens;

n

De pñit.

& rem.

Omnia u-

triusq;

lexus.

n Nisi fortē de proprij sacerdotis consilio ob aliquā rationabilem causam, ad tempus ab huiusmodi perceptione duxerit abstinendū.

Quarta. Non fecit hoc ob irreuerentiam Ecclesiæ, sed ob reuerentiam Osuualdi, qui ibi primas erat. Dico: quod ob id non excusatur, ritum notabilem totius Ecclesiæ cum aliorum scandalo, & ipsius Osuualdi detrimento, ausu proprio peruer-

o

Num. 22.

stiequen.

tendo. o Baäl enim, licet ariolus, nec prece, nec pretio; nec amore, nec timore induci vñquam potuit à Balac Rege Moäbitarum, vt malediceret populo Dei, cui Dominus benedixerat. Si dicatur, hoc non esse maledicere; dico esse peius, quia est

malefacere.

Quinta. Ignoranter fecit; existimans posse laicum maiori hostiā sine vlla differentia communicare, sicut minori. Dico: quod hæc ignorantia eum non excusat vt sacerdotem. Scribitur enim: p Labia sa-

p

Mal. 2.

cerdotis custodiunt scientiam, & legem requirunt ex ore eius, quia Angelus Domini exercituum est. q Contumelia siquidem

q

In Regis.

cap. 5.

sacerdotum est (ait Gregorius), de diuinis cultibus

cultibus admoneri. Quod enim ipsi debent exigere, turpiter exiguntur.

Sexta. Nulla tunc adfuit manifesta Dei vindicta in sacerdotem; sed in Osuualdum, sic: ergo absente pœnâ, videtur abesse culpa. Dico, negando antecedens. Nam hiatum terræ, motum lapidis, impressionem digitorum, quæ ante, & circa sacerdotem, adhuc in ipso altari sacrificantem, contigerunt, ipsum quoq; sacerdotem vehementer deterruisse censendum est. Vel Deus, qui multo mitius res nostras agit, quàm nos ipsi ageremus, sacerdoti, siue ex timore, siue ex imperitia, siue ex leuitate transgredienti, ac cum bona intentione simpliciter, & confidenter incedenti, clementer indulgit.

Quinimmo sic; vt & alijs traderetur exemplum, quantâ circumspectione in sacerdotum excessibus diiudicandis procedendum sit. Hæc enim Mauritio Augusto scribit Gregorius: *r* Sacerdotibus non ex terrena potestate dominus noster citius indignetur; sed excellenti consideratione propter eum, cuius serui sunt, eis ita dominetur, ut etiam debitam reuerentiam impendat.

Tandem concludamus cum *f* D. Thoma, qui quærens; An sine ritu Ecclesiæ possit

r
Ibid. cap.
75.

f
Sup. 4.
Sen. dist.
13. q. 2.

Eucharistia confici, ait: In hoc Sacramen-
to, sicut & in omnibus alijs, quædam sunt
substantialia, quædam accidentalialia. Sub-
stantialia sunt quatuor; scilicet, materia
panis, & vini; forma verborum; ordo mi-
nistri; et intentio. Alia accidentalialia sunt
pertinentia ad decorem, & solemnitatem
Sacramenti. Si aliquid de substantialibus,
omittatur, Sacramentum non conficitur.
Si vero aliquid de accidentalibus solum,
conficitur; sed graviter peccat, qui scien-
ter omittit: quia facit contra præceptum
Ecclesiæ. De sacerdote hætenus. Nunc
Osuualdi errorem ab ipsa animadversione
diuina, in eum immediatè facta pensemus.

ERRORIS OSWALDI

*quantitas, & qualitas à iudicij diuini
ostensione comprehenditur.*

Cap. vii.

SEx autem iusta Dei iudicia directè in
Osuualdum eo casu inciderunt. Duo
circa hostiam: duo circa altare: & duo
circa terram: per quæ culpam illius inda-
gabimus. Circa hostiam primum; quod
eam

eam non potuerit deglutire: secundum;
 quod, diuino miraculo, intincta Sanguine
 apparuerit. Circa altare autem, primum;
 quod lapis nullâ humanâ vi, nulloq; motu
 naturali ad Osuualdum apprehendentem
 deflexerit: secundum; quod digitis eius-
 dem contra naturam suæ naturalis duritiæ
 concesserit. Circa terram verò, primum;
 quod miraculosè hiauerit: secundum; quod
 Osuualdum partim absorbuerit. Quæ qui-
 dem omnia eiusdem indicant quantitatem
 erroris, & qualitatem.

Quippe cum tanta inhæsiō hostiæ in ore,
 vt ab eo comedi, & deglutiri non posset, re-
 fellit ex diametro errorem illum, quo is
 putabat maiorem Christi quantitatem, atq;
 virtutem in maiori hostia inueniri; quàm
 in minori. Iamq; olim non ab simili poenâ
 fuit Israel à Deo recognitus: vbi etsi cœ-
 licum manna haberet, quasi *a* semen co-
 riandri album, saporis similæ & mellis; *Exod. 16.*
 quod & *b* mola frangi, & mortario tundi, *b*
 & in olla coqui poterat; ex eoq; tortulæ *Num. 11.*
 confici, saporis quasi panis oleati; fiebat
 tamen vulgus promiscuum adiunctis sibi
 pariter filiis Israel, dicens; Quis dabit no-
 bis ad vescendum carnes? Ob id iratus fu-
 rore

28. DE QUANTITATE HOSTIÆ

Psal. 77. rore Dominus, & pluit quidem illis, sicut pulverem, carnes; et, sicut arenam maris, volatilia pennata; sed adhuc carnes erant in dentibus eorum, nec defecerat huiusmodi cibus; & ecce furor Domini concitatus in populum, percussit eum plagâ magnâ nimis. Veruntamen hunc percussit ad interjectionem, qui sapius correctus, semper recidebat in murmurationem: Os ualde uerò ad interminationem, qui semel correctus, statim surrexit ad emendationem.

Li. 1. vitæ S. Ber. cap. 15.

Idem penè casus accidit temporibus Diui Bernardi, d ubi vnâ præcipuarum festiuitatum quidam monachus, quem pro secreta culpa ab altaris communione suspenderat, notari timens, ad manum eius cum cæteris inuerecundè accessit: eumq; ne latens error cæteris panderetur, noluit prudens pater repellendo confundere; sed pro eo, ut id in bonum ei verteretur, Deum orabat. Ille verò Eucharistiam sumptam conatus ad interiora trajicere, neutiquam potuit: sed tandiu in ore seruauit, donec post sextam, seorsum pedibus Sancti patris prouolutus, erroremq; suum confessus, correctionem, absolutionemq; recepit. Simile quid, & mirabilius

rabilius adnotat Cyprianus *e* de alio, qui
 & ipse maculatus, celebratio à sacerdote sa-
 crificio, partem cum alijs ausus est latenter
 accipere, quam edere & contrectare nequi-
 uit: immo apertis manibus, se cinerem fer-
 re inuenit.

Lib. de
 lapsis.

Cruentatio autem hostiæ, turbandem
 circa veritatem Sacramenti impugnat:
 ipsamq; hostiam verum Christi Corpus sub-
 stantialiter, ac sacramentaliter esse, aper-
 tissimè, perspicueq; demonstrat. Princi-
 pium enim hæitationum omnium super
 hoc admirabile Sacramentum ab hæsitatio-
 ne circa illius veritatem dependet. Quan-
 doquidem hoc fundamento fideliter firmi-
 terq; iacto; nempe, quod ibi sit ipse Chri-
 stus; & quod post consecrationem nulla sit
 ibi amplius panis substantia, nisi substantia
 Corporis Christi, animæ coniuncti, ac di-
 uinitati; profectò quæcunq; alia difficilis
 cōtrouersia facile sedari, & ad unumquodq;
 obiectum constanter solideq; potest respon-
 deri. De qua re Osuualdus, saltem indi-
 rectè videtur dubitasse. Simili autem San-
 guinis argumento Iesus Christus Dominus
 noster usus est, cum discipulis suis ad veri-
 tatem sui Corporis, & resurrectionis com-
 proban-

30. DE QUANTITATE HOSTIÆ.

f probandam: quibus non solum palpabilem, *Luc. 24.* visibilemque se præbuit, dicens. *f* Palpate, & videre; sed & sua pretiosissima vulnera patefecit: Ostenditque eis manus, & pedes.

DE DVABVS DEMON-
strationibus circa altare.

Cap. viii.

Commotio insuper ac declinatio altaris ad Osuualdi contactum, eiusdem arrogantiam deprimat; qui, etsi laicus, volebat tamen sacerdotali hostiâ communicando, sacerdotio quodammodo abuti, & sacerdotis dignitati per obliquam viam coequari. Cum tamen altaris, sacrorumque ministerium & reuerentia tanti fiant in *a* scriptura, ut ad Sancta sanctorum solus *a* Pontifex semel in anno ingrederetur: tantumque sacerdotibus sacra vasa, & altare aureum inuoluere; alij autem nullâ curiositate videre poterant, quæ erant in sanctuario, priusquam inuoluerentur, alioquin moriebantur. Quapropter *b* Ozias cum usurparet sibi, thuribulum inferre in templum, resistentibus ei filiis Aaron, & Levitis, velut

a
Num. 4.

b
1. Par.
26.

CON
tis.
testa
tur,
Deo
in fr
ad m
quit
usurp
missi
pans
& le
diac
et pr
gnit
prian
sump
ingre
dida
doru
et in
quia
mera
pter
um D
ledic
odor
Por

ris, velut illicita affectanti; isquè regiâ potestate subnixus, qui & nobilis interpretatur, illis communicatus esset, confestim à Deo leprâ est percussus: et visa est lepra bis in fronte eius, & exiliuit foras, & sedit usq; ad mortem suam leprosus. *e* Videte (inquit Chrysostomus) quàm illicitum est usurpare opus, quod à Deo non est commissum. Quale fecit peccatum laicus usurpans sibi opus clericale, tale facit peccatum & lector, si usurpauerit opus diaconi; et diaconus si usurpauerit sibi presbyteri opus; et presbyter si Episcopalem appetierit dignitatem. De qua re agens quoq; B. Cyprianus, ait: *d* Ozias, licet Rex, ob præsumptionem leprâ percussus, à sanctuarij ingressu repellitur, & eius oblatio, quasi fordidâ reputatur. Incensi odor de immundorum manibus reputatus est pro fatore; et iram, non gratiam præsumptio meruit: quia contra fas rem usurpans illicitam, temerariè in sancta conscendit. Sed & propter malignantium insolentiam, altare suum Deus repellit, & sanctificationibus maledicit; odit sabbata; abominatur solemnia, odoramenta fætent; displicent holocausta. Porro *e* arcam ipsam solummodo sacerdo-

Hom. 1.
in Matth.

De Cens.
Doni.

res de Num. 3.

32. DE QUANTITATE HOSTIÆ.

tes de Leuitica stirpe portabant: populusq; sequi debebat tantâ distâtiâ, ut inter ipsum, & arcam spatium esset duûm millium cubitorum. Quamobrem benè agitur cum nonnullis Ecclesiis, quorum altaria columnellis coronata, saltem ligneis, seculares à nimia altaris vicinitate coërcent. Scriptum est enim: *f* Cauete, ne appropinquetis ad arcam. Et *g* Clemens Papa decreuit nulli laicorum licere in eo loco, vbi sacerdotes, & reliqui clerici consistunt, quod presbyterium nuncupatur, quando Missa celebratur, consistere: ut liberè, atq; honorificè possint sacra officia exercere.

Impressio verò digitorum in ipso vino lapide altaris, Osuualdi contumaciam, paulatim incrudescentem redarguebat: quòd durum saxum carneis manibus palpantibus mollesceret; cor autem hominis carneum, verbo Dei, *h* quasi malleo conterenti petras, duresceret. Illi quidem verbo, quo Dominicum Corpus non diminutum; aut jam contractum, jam dilatatum, conficitur: neq; in hoc pusillo pane pusillum; neq; in illo magno magnum; sed in hoc & illo semper in suamet essentia, subsistentia, & integritate idipsum: ita sub alterabilibus speciebus

f
Ibid.

g
De conf.
dist. 2.
Sacerdotum.

h
Hierem.
23.

speciebus panis, & vini, quemadmodum in se ipso est, inalterabile prorsus, & indiuisibile. Huiusmodi autem humani cordis durities, aliàs etiam per lapides in sacris literis reprehenditur: cum solidum & saxum fractum est potius & exundauit ad tactum fragilis ligni, manusq; Moyſis ingravescentis; quàm cor populi illius, quotidie peruiacius, ad vocem & manum Dei omnipotentis. Cumq; montani & lapides in Dominica Passione à summis ad ima scissi concrepuere, cordibus Phariseorum ab immani sauitia perpetuo inexcussis; maioriq; in dies pertinaciâ proteruentibus.

Exod. 17.

Matt. 27.

Perge adhuc; obserua, quid natura in animalibus faciat, quæ ad rei noxiæ contactum restringuntur, secus delectabilem dilatatur; & cogita, hoc itidem effecisse altare, sensu penè indito ab auctore naturæ: dum peccatoris digitos perhorrescens, seipsum, veluti motu constrictionis recedendo, contraxit. Quid est enim altare, nisi sedes & Corporis, & Sanguinis Christi? Igitur procul inde viri sanguinum, procul profani. Si retrahitur sedes, nõ arguet sessor? Si ipse lapidis horrorem, si ipsum altare sensit offensâ, puta, num indignè accedens placeat Christo.

Opratus
lib. 6.
co. Par-
men.

DE ERUPTIONE,
ac defectu terra.

Cap. ix.

CÆterum, quod nulla naturali causa
impellente diffiliens terra præscriptis
limitibus dirumperetur sub pedibus e-
ius, potissimum indicat ipsius despectum in
sacerdotem: cuius & diuinum non magni-
fecit officium; & salutaria monita, quæ fa-
cile intercesserunt, non recepit; & dignita-
tem in hostiæ quantitate ausus est quodam-
modo usurpare. Quibus tribus præsertim
generibus, *a* Core, Dathan, & Abiron ad-
uersum Moysen & Aaron peccauerunt.
Despexerunt enim eos, dicentes: Cur ele-
uamini super populum Dei? Item nolue-
runt eis obedire, cum Dathan, & Abiron
vocati, responderunt: Non venimus. De-
inde voluerunt eis comparari asserentes,
quia omnis multitudo, Sanctorum est, & in
ipsis est Dominus. Quapropter confestim
ut Moyses cessauit loqui, dirupta est terra
sub pedibus eorum: et aperiens os suum,
deuorauit illos cum tabernaculis suis, & v-
niuersâ substantiâ eorum: descenderuntq;
vini

viui in infernum operiti humo, & perierunt de medio multitudinis. Neq; vllum ex illis tribus euasisse ambigendū est, etsi Core prætermisso dicatur in psalmo: *b* Aperta est terra, & deglutiuit Dathan; operuit super congregationem Abiron. Suppressum enim arbitrator nomē illius, tum quia alio genere mortis cum ducentis quinquaginta suis absumptus est; de quibus mox dicitur; * Exarsit ignis in synagoga eorum, flamma combussit peccatores: tum propter filios eius, qui errorem patris non sunt sequuti neq; sunt cum patre puniti, sed sine patre sunt benedicti: propter quod pro firma regula datæ Hieronymus: quicumq; psalmus præscribatur filiorū Core, eum nihil triste habere, & semper lata significare. Itaq; qui cōtra sacerdotem facit, contra Moysen, & contra Aaron facit. Vnde Chrysostomus postquam eleganti paradigmate sacerdotes Euangelij digniores sacerdotibus legis demonstrauit, inquit: *d* Quare iudicio quidem meo, qui istos despiciunt, contemnuntq;, multo sceleratiores, ac maiori supplicio digni fuerint, quā Dathan vnā cū omnibus suis.

Tandem ideò terra eum partim deuorauit, ut superbiam eius deprimeret, qui in seipso nimium intumescens, cum cæteris

b Psal. 107.

e In Psal. 83.

d De Gen. lib. 3.

36. DE QUANTITATE HOSTIÆ.

laicis in communione minoris hostiæ re-
 nuit conuenire. *e* Per tria enim mouetur
PROV. 30. terra, & quartum non potest sustinere: per
 seruum cū regnauerit per stultum, cū sa-
 turatus fuerit cibo: per odiosam mulierem,
 cū in matrimonio fuerit assumpta: & per
 ancillā cū fuerit hères dominiæ suæ. Tunc
 autem seruus regnat, cū sensus super intel-
 lectum suscipit diadema. Tunc stultus satu-
 ratur cibo, cū potentia irascibilis, nullis
 percita loris, huc illuc, tanquam ebriosa, in-
 sanat. Tunc odiosa mulier in matrimonio
 assumitur, cum vis cōcupiscibilis voluptuo-
 se bacchatur. Ancilla verò tūc est hères do-
 minæ suæ, cū superbia in eam resilit arcem,
 quæ debetur humilitati: cumq; huic, tanquā
 jure hēreditario, vult præesse, cui ipsa potius
 diuino humanoq; jure cogeretur subesse.
 Hunc verò justitię ordinem potest utiq; per-
 uersus homo peruertere; Deus autem dispo-
 nens omnia, suis locis restituit vniuersa;
f Deponitq; potentes de sede, & exaltat hu-
 miles. Potuit quippe Osuualdus super sacri
 altaris cælestem altitudinem, vnde altare
 dicitur, extensis superbiæ alis, temerè exal-
 tari, eam scilicet hostiam, quæ soli altaris
 sacrificio deputatur, consequendo: at quia
 locus ille debetur humilitati, meruit inde
 conti-

f
 Cant.
 Mat..

continuo deiici, & ad locum, superbiæ debitum, cum rubore tremoreq; deponi.

Ita equidem meruit, quia & in fide hæsitauit. *g* Qui enim hæsitat, similis est *g* fluctui maris, qui à vento mouetur, & circumfertur. *Iacob. 3.* Agitantur fluctus à ventis, in sinu quiescere non possunt: tolluntur in æera, nec ibi consistere valentes, ad ima rursus præcipites corruunt: iterum subleuantur; iterum demerguntur: ad littora effluunt, nec in littoribus consistentes, denovo ad gurgitem reuocantur. Ita planè qui in fide titubat; neq; in sinu Ecclesiæ, scit humiliter conquiescere, vt in gremio matris; neq; celestibus diuinisq; scripturis sistit; neq; si ad imas latasq; rationes humanas recurrit, inuenit requiem: sed à spiritu superbiæ elatus, tentationibus varijs mouetur, & circumfertur: nec moueretur, nec circumferretur, nisi, velut aqua, esset lubricus, & instabilis: *h* Cor impij, quasi mare feruens. *h* O mare, ô cor: vtrumq; profundum; vtrumq; instabile, & scopulosum. Fluctuabat cor Oswaldi; et vbi insideret, non inueniebat: id ipsum circa corpus accidit; vt fluctuatio cordis in culpa, manifestaretur in fluctuatione corporis in pœna: *Esa. 57.*

38 DE QUANTITATE HOSTIÆ.

quod nec inferius, hiante terrâ, consistere
valuit; nec superius, liquente altari, potuit
sustineri.

His igitur modis omnibus circa eandem
rem Osuualdus peccauit. Verūmenim ve-
rō præcipuus illius error fuit, existimare
maiores Dominici Corporis quantitatem,
virtutemq; in maiori hostia cōtineri, quā
in minori. Cui quidem quoniam non con-
tentiosè, neq; immutabiliter inhæsit; ta-
met si i cecidit, non est collisus, quia Domi-
nus supposuit manum suam, eum cum à ca-
su corporis, tum à ruina & confusione ani-
mæ iugiter liberando.

Et vnde non est collisus? Nimirum, vt
qui peccatum in malè sumpto Sacramento
commiserat, propitiationem in benè obla-
to sacrificio inueniret: et ab hostia, in quam
peccauerat, expiationis nosceret potesta-
tem. Singulariter enim ad absolutio-
nem nostram oblata cum lacrymis & be-
nignitate mentis, sacri altaris hostia suffra-
gatur: quia is, qui in se lresurgens à mor-
tuis, jam non moritur, adhuc per hanc in
suo mysterio pro nobis iterum patitur.
Nam quoties ei hostiam suæ passionis offe-
rimus, toties nobis ad absolutionem no-
stram.

Greg. In
Euang.
Hom. 37.
et lib. 4.
Dial. cap.
58.

Rom. 1.

stram, passionem illius reparamus. Et, sicut in passione crucifixoribus pepercit, pro quibus Patrem orauit; ita in passionis mysterio, Oswaldo condonauit offensam, pro qua etiam, in passione soluerat pretium.

NUM ERROR OSWALDI fuerit hæresis; & num ipse hæreticus.

Cap. x.

Quanta verò, qualisq; fuerit huiusmodi offensa, sufficienter noscitur à quantitate, & qualitate erroris: qui quoniam circa Sanctam Eucharistiam, communis Ecclesiæ sententiæ non cohæret, & sacræ scripturæ testimonio (*a* vt inferius dicemus) aduersatur, hæresis quidem fuit, quam tamen nos communiter nominamus errorem; et, si quis eam firmiter teneret, absq; dubio esset hæreticus. *b* Hæresis enim (inquit Hieronymus) Græcè ab electione dicitur: quòd scilicet eam sibi vnusquisq; eligat disciplinam, quam putat esse meliorem. Vndè, quicumq; aliter scripturam intelligit, quàm sensus Spiritus sancti flagiet, à quo scripta est, licet ab Ecclesia non recesserit, ta-

Cap. 23.

Lib. 2. in
Ep. ad
Gal. 5. 22
habetur
24. q. 3.
Hæresis.

40. DE QUANTITATE HOSTIÆ.

rit, tamen hæreticus appellari potest. Differunt autem error, & hæresis, & aliquo modo sunt vnum. Differunt quidem, tanquam inter se dispositio, et habitus: nam cum quis circa scripturam, ac Sanctæ Matris Ecclesiæ doctrinam hæsitare incipit, sensim in errorem vehitur, & ad hæresim disponitur: cum verò post tempus pertinaciter concepto errori inhæserit, in hæresim labitur, et fit hæreticus. Vel differunt, vt inter se genus, et species. Non enim omnis error, hæresis est; quamuis omnis hæresis, quæ in vicio ponitur, nisi errore aliquo, hæresis esse non poterit. Illa vero hæresis in vicio ponitur, quæ scilicet ab Ecclesia damnatur, et anathematizatur.

Hinc igitur noscitur, vnde error, et hæresis sint quodammodo vnum; dum scilicet hæresis absq; errore esse non potest. Est autem *d* error, falsi pro vero approbatio: et *e* errare est, pro vero falsum putare. Quod quidem faciunt hæretici, dum sua sibi schemata fingunt, contrarium scripturarum sensum perversè eligendo, eumq; pro vero ac genuino sensu, tanquam indito à Spiritu sancto, audacter approbando, & perniciosè docen-

Aug. in
præf. li.
de hæ.

Idem li. j.
cō. Acad.
cap. 4.

Dist. 38:
Quamuis.

docendo. *f* Nec ob aliud sunt hæretici, nisi quod eas non rectè intelligentes, suas falsas opiniones contra earum veritatem peruiaciter asserunt. Hoc igitur modo error hæresisq; conueniunt: nomenq; erroris, pro hæresis nomine in sacris literis, et apud Sanctos Patres frequentissimè vsurpatur.

Quos & ipse sum jam sequutus: non ob id solum; verum etiam, vt cum Osualdo parcius agerem: eiq; ego vnus verbi modestiâ indulgerem, cui infinitâ misericordiâ indulsit Deus.

Porro num ipse quo tempore errauit, fuerit dicendus hæreticus, interroganti, ex præpositis non difficile poterit responderi. Nam quâ hæsitauit in eo, quod immobiliter vniuersa confiteretur Ecclesia, hæreticus communiter potuit appellari. Sicut etiam; *g* Dubius in fide, infidelis est. Dixi autem *g* communiter: nam propriè is est hæreticus atq; excommunicatus, qui *h* remotus est ab Ecclesia, quia errat in fide: nec dicitur remotus ab Ecclesia, qui adhuc in sinu Ecclesiæ est, vt possit veliq; doceri. Vnde Augustinus: *i* Qui in Ecclesia Christi, morbidum aliquid, prauumq; quid sapiunt; si *i*

D v

correcti,

Aug. li. 7.
sup. Gen.
ad li. c. 9.

Ex. de
hæ. Dubius.

Ibi. cap.
Ad abolendam.

Aug. li. 18
de Ci. Dei
cap. 31. es

42. DE QUANTITATE HOSTIÆ

Habetur
24. q. 3.
Qui in
Ecclesia.

k
Aug. con.
Don. pr.
ep. 162.
et hab. 24.
q. 3. Di-
xit Apo.

l
In 4. Sen.
d. 13. q. 3.

correcti, ut sanum rectumq; sapiant, resistent contumaciter, suaq; pestifera, & mortifera dogmata emendare nolunt, sed defendere persistunt, hæretici fiunt, & foras exeuntes, habentur in exercentibus inimicis. **k** Qui autem sententiam suam quamvis falsam atq; peruersam nullâ pertinaci animositate defendunt; sed quærunt cautâ sollicitudine veritatem, corrigi parati, cum inuenerint, nequaquam sunt inter hæreticos deputandi. Et S. Thomas iuxta hanc D. Augustini doctrinam, distinctè, ac discretè, ut semper solet, ait: **l** Ad rationem hæretici duo concurrunt: vnum; scilicet error in ratione, quod est hæresis initium: alterum; scilicet pertinacia in voluntate, quod est hæresis complementum. Tales ergo propriè dicuntur hæretici, quia errori rationis in his, quæ sunt fidei, admiscant pertinaciam voluntatis.

Constat igitur ex his, Osuualdum non fuisse talem, qui contra Ecclesiæ veritatem obstinatè sentire, & contra eandem, suam defendendo opinionem, perfidè pugnare voluerit: videlicet quòd plures maioresq; Corporis Christi partes, & simul maiores gratiæ in maiori hostia consecrata contine-
rentur

rentur, quàm in minori. Sed circa hoc sibi ipsi aliquo modo inconstans, superbiâ agítatus, ab alijs laicis, minori hostiâ communicantibus, differre voluit: quæ quidem superbia, errori superaddita, fecit vt maiorem hostiam instanter peteret, actûq; haberet: quam, Deo prohibente, deglutire nequiuít; cui faucium latebras clausit, terræ verò aperuit. Hæresis autem propriè sumpta in Osuualdi vxore aptissime designatur.

VXOR OSWALDI

hæresim representat.

Cap. xi.

ET enim, si personam, si locum, si consequentia attentè consideremus, hæresim ad viuum videbimus in Osuualdi vxore representatam. Hæc enim (vt personam inspiciamus) fœmina erat, et vix vnquam in scriptura inueniemus quicquam boni in fœmina representari: cum & ipse Deus victimas sibi offerri ^a masculinas imposuit, ex hoc apertè concludens, ^b masculinum, symbolum esse boni, fœminam mali. ^c Melior est enim iniquitas viri, quàm mulier bonæ

^a Leuit. 12.

^b Orig. hœ.

^c 1. in Le. 1.

^c Eccl. 25.

44. DE QUANTITATE HOSTIÆ.

d **Et 42.** lier benè faciens: id est; *d* Brevis est omnis malitia super malitiam mulieris. Adeoq; difficile est mulierem bonam (et si nonnullæ inueniantur) inuenire, vt *e* virum bonum de mille vnum reperisse; mulierem verò ex omnibus his non inuenisse, testetur Sapiens. At quamuis omnia malarum fœminarum vitia hæresi verissimè congruant, decem tamen solummodo, breuitati consulens, enumerabo. Est enim fœmina, carnalis, fallax, loquax, litigiosa, inuida, superba, ignorans, hypocrita, venefica, & idololatra: talisq; prorsus est hæresis.

f **Prou. 19.** Adeo inquam carnalis est mulier, vt æquè ac *f* vinum apostatate faciat sapientes: adeoq; carnalis, est hæresis, vt ob libidinem saturandam plures non indocti à fide apostatantes, facti fuerint hæretici. Quocirca Apostolus opera carnis recensens, tredecimo loco sectam recitauit, & post sectam, quatuor alia subtexuit. *g* Manifesta (inquit) sunt opera carnis, quæ sunt, fornicatio, immundicia, impudicitia, luxuria, idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ: inuidiæ, homicidia, abrietales, comestationes, & his similia. Nam
secta.

secta, tanquam omnia carnis opera continens, non super, aut subter, sed infra, quasi superiora sustentans, et inferiora pariens ac fouens, meritò collocatur. Quare non tantum *fœminæ*, sed prostituta meretrici à Domino comparatur: *h* In quo munda-
bo cor tuum, ait Dominus Deus, cum facias *Ezech. 16*
 hæc omnia opera mulieris meretricis, & procacis? quia fabricata es lupanar tuum in capite omnis viæ; et excelsum tuum fecisti in omni platea. Nec facta es, quasi meretrix fastidio augens pretium; sed quasi mulier adultera, quæ super virum suum inducit alienos. Hæc autem omnia de hæreticis intelliguntur, cum *i* deferentes Ecclesiam hæresibus varijs polluantur, & ad per-
 uersitatem suæ doctrinæ, testimonijs scripturarum abutentes, fabricant sibi lupanar, in omnibus viarum principijs, media scilicet, & profunda diuinæ scientiæ non penetrantes; sed seipso erroribus ingerentes, dum vero Dei cultu deserto, diuitias religionis profundunt; seq; vitijs, luxuriæq; permittunt.

Hieron.
 sup. Ezech.

De fallacia autem *fœminæ* monet Salomon: *k* Ne intenderis fallaciæ mulieris: *k*
 fauus enim distillans labia meretricis. & *Proib. 5.*
 mitidius

nitidius oleo guttur eius. nouissima autem
 eius amara, quasi absynthium, et lingua
 eius acuta, quasi gladius biceps. Sed neq;
 has artes, dolifabri ignorant hæretici: qui
 velut Syrenæ, dulcia canunt carmina, à qui-
 bus quis non euadit, nisi obturauerit aures
 suas. *l* Omnis enim sermo eorum con-
 cinnus atq; compositus, et habens pulchri-
 tudinem eloquentiæ secularis, vt facilius
 decipiant audientes. *m* Vide (inquit Hie-
 ronymus) hæreticos in dialectica sibi & re-
 thorica, & omnium sophistarum dogmati-
 bus applaudentes, contemnere Ecclesiæ ru-
 sticitatem: et quasi idôla confixerunt, despice-
 re, & habere pro nihilo. Attamen gaudet
 suâ simplicitate Ecclesia, quæ sua etiam gau-
 det veritate; Iordanis aquas bibens suauius,
 quàm Nili. Non scænica pro scænis, quas
 obscænas dixerim; quemadmodum hære-
 tici fabulantes faciunt, quos histrionibus
 congruentissimè comparat *n* Tertullianus:
 sed sacra pro sacris, & Euangelica secun-
 dum Euangelij puritatem accommodans;
 Rectoris potius, quàm Rethoris leges; Deiq;
 stylum, Christi frasem antè sequuta, quàm
 cuiuspiam hominum. Nonne Hierony-
 mus la-

l
 Hier. in
 loci. 1.

m
 In Soph.
 2.

n
 Lib. de
 pudic.
 cap. 3.

mus latinæ linguæ eruditissimus? Is tamen sacros libros exponens, melum dicere maluit, quàm malum, ne ex similitudine sermonis simpliciores aliqui arborem mali, malam arborem putarent, à malitia dictam:

o Melius est enim (ait) vt grammaticos offendamus, quàm legentibus scrupulum aliquem in veritatis expositione ponamus.

In cantica
can. 3.

Loquax item, & garrula est fœmina, indeq; infidiatrix; de qua scribitur: p Ecce p occurrit illi mulier ornata meretricio, præparata ad decipiendas animas, garrula & vaga, quietis impatiens, nec valens domi consistere pedibus suis: nunc foris, nunc in plateis, nunc juxtà angulos insidians. Quid aptius? Dicas sanè hic Salomonem descripsisse hæreticum: q cuius doctrina in multiloquio, & clamore versatur: inflatus tumet, & sacratiora se inuenisse gloriatur.

Hier. li. v
in Esa. 22.

Indeq; litigiosus est perinde ac mulier, de qua legitur: r Tecta iugiter perstillantia, litigiosa mulier. Quem locum de hæresi interpretatur Hieronymus, & duabus similitudinibus in vna similitudine probat. f Sicut enim tecta perstillantia, pluuiam quidem de cœlo suscipiunt, nec tamen hanc ad vtilitatem aliquam dispersiunt, sed ad molestiam

Prou. 19.

In hunc
locum.
lib. 3.

lestiam potius inhabitantium deriuant: ita nimirum hæreticorum Ecclesia, cœlestium dona verborum non ad salutem animarum, sed ad suæ vsum nequitix malè interpretando, & contra Catholicos litigando conuertit. Testa enim perstillantia, munda quidem pluuiæ guttas accipiunt, sed sub testis in domo sordidas reddunt: & hæreticus limpidissima cœlestis oraculi verba auditu corporis haurit; at ubi hæc corde polluto attigerit, auditoribus suis sorde polluta ministrat.

*CA RELIQUIS MALÆ
fœminæ vitijs describitur hæresis.*

Cap. xii.

INuidiam autem fœminarum discamus ab
3. Reg. 3. vna: a quæ cum altera ante Salomonis
tribunal constituta, æmulæ suæ filium scin-
di in duas partes consenserat; vt ipsa, cui
perierat filius, viuo filio priuaret & alte-
ram. Nec longè aliter Ecclesiæ inuidentes
hæretici; in eandem malignè conspirant:
& qui Christum amiserunt, eundem vellent
ab Ecclesia

ab Ecclesia eliminare. Nam *b* quia eius quoq; magnitudini inuident, quod in fide vera populos vniuersaliter tenet; cum terrenæ prosperitatis tempus inueniunt, contra eam in superbiam vocibus excedunt; et exprobrantes aperiunt, quantum prius eius potentiam inuidebant.

De superbia verò Chrysostomus multis in mulierem inuehens, inter cætera ait; *c* Mulier mala etsi iniuriam patitur, etsi honorem accipiat, extollitur. Veruntamen quantacumq; superbiâ extollatur mulier, ab hæresis superbia superatur. Si nosci parens per filios potest, ab vna superbia omnes hæreses procreantur: vides, quàm superbiant filij, cogita, qualis sit mater. *d* Alia enim secta est in Africa, alia hæresis in Oriente, alia in Aegypto, alia in Mesopotamia: verbi gratiâ, diuersis locis sunt diuersæ: sed vna mater superbia omnes genuit; sicut vna mater nostra Catholica omnes Christianos fideles, toto orbe diffusos.

Adhuc in speculatiuis, atq; polyticiis magna est fœminarum ignorantia: quibus, quoad speculatiua, *e* tacendum iubet Apostolus; ac si quid discere velint, domi viros suos debeant interrogare: et à quibus, *e* quoad

Greg. II.
13. Mer.
cap. 3. in
Iob. 22.

Indecoll.
S. Ioan.
Bapt.
Hom. 15.

Aug. ho.
de Pamo-
rib. ca. 8.
in 34.
Ezech.

1. Cor. 14.

f 3. Polyt. quoad polytica, *f* malè regi ciuitates docet Philosophus. Vtinam & sic tacere cogerentur hæretici: utinam nulla vspiam eis cura, ut cæcorum cæcis, demandata esset, qui ignorantix malitiam immiscentes eo nocent indiscretius, quo ignorantius: eo magis periculosè, quo magis malitiosè.

g Aug. Tra. 18. in Ioan. 5. *g* Neq; enim natæ sunt hæreses, & quædam dogmata peruersitatis, illaqueantia animas, et in profundum præcipitantia, nisi dum scripturæ bonæ intelliguntur non benè: et quod in eis non benè intelligitur, etiam temerè, et audacter asseritur.

h Prou. 7. Hypocrisim verò ac superstitionè, nescio: ubi citius, quàm in fœmina inuenire: *h* Quæ apprehensum deosculatur iuuenem, & procaci vultu blanditur, dicens: Victimæ pro salute deuoui; hodie reddidi vota mea; idcirco egressa sum in occursum tuum, desiderans te videre, & reperi. At fœminas omnes in huiusmodi longè antecellunt hæretici: *i* Quorum sagena est sermo affabilis, blandum eloquium; simulata, aut coacta ieiunia; vestis humilis; virtutum imitatio.

His omnibus veneficia accedunt, quibus fœminæ (ut leuiore) multo magis quàm
mares,

CONTRA ERROREM OSWALDI. *¶*

māres, vinciuntur. Vnde & Saul omnibus &
 Magis hariolisq; de terra erasis, phytonif- *1. Reg. 28.*
 sam adhuc inuenit, quam ad Samuelem sibi
 suscitandum compelleret. Sed neq; ab his,
 qui omnium generum fraudibus impensissi-
 mē operam nauant hæretici abstinent:
 quos, in tres classes diuidens Chrysosto-
 mus, inter hypocritas, et seductores, male-
 ficos collocat: *¶* Alij enim se dicunt neq; *¶*
 manducare, neq; dormire: neq; algere, neq; *Hom. 48.*
 æstuarē; sed semper pendere in aëre. Alij *in Matthæ*
 vestiti cilicijs, aut circumdati catenis, socia *24.*
 sibi dæmonia commouentes: & quia gra-
 tiam Dei non habent patrocina dæmonum
 commendant. Alij fidem annunciant:
 quoniam sic ecclesias habent; sic ordines
 clericorum; sic fideles; sic lectiones legunt
 diuinas: eadem videntur dare baptismata;
 eadem sacramenta Corporis & Sanguinis
 Christi: similiter Apostolos, & Martyres co-
 lunt. Per hæc ergo valde tenebrescere fa-
 ciunt mentes non solum mediocrium ho-
 minum, sed etiam prudentum.

Deniq; si idololatria quærat, inter fœ-
 minas facile est inuenire: occurretq; for-
 tassis Rachel, quæ *m* furata idola patris sui, *m*
 menstruata se simulat, vt abscondat; eisq; *Gen. 30.*

52. DE QUANTITATE HOSTIÆ.

Hieron.
in Osee.
cap. ij.

insidet, ne amittat. Sed dicamus de his, qui esse templum Dei destiterunt: quanta (Deus bone) idolorum turma atq; deformitas in altis hæreticorum cordibus resident, ut in asyis? Profecto n singuli hæreticorum habent Deos suos: et quodcumq; simulauerint, quasi sculptile colunt, atq; conflatile. Quamobrem si hæc, & quæcumq; alia, quæ de mala scēmina dici possunt, ad hæresim referamus, comperiemus certè, nihil tam benè hæresim exprimere, ut mulierem. Illam verò à loco etiam, & consequentibus clariùs designare jam superest.

PER SCHARNITZ

describitur hæresis

Cap. XIII.

Locus enim, in quo mulier diuagabatur, sylua fuit: consequentia autem fuere duo: rosarum ex alterius speciei stipite procreatio; et incredulæ mulieris, paulo post morientis, amentia: Delineat adhuc mores hæreticorum sylua: et in duas species eos distinguunt duo casus sequentes: in resipiscentium scilicet, ac pereuntium.

Etenim

Etenim ij in nemoribus habitant, qui à
 ciuium vnitate, quæ est ciuitas, separantur :
 et in nemoribus dicuntur habitare hæreti-
 ci, dum ab Ecclesiæ vnitate diuisi, bellua-
 rum eligunt vitam, ferarum rabiem atq; na-
 turam penitus æmulantes. De quibus dici-
 tur: *a* Rodebant in solitudine, squalentes
 calamitate, & miseriâ; et mandebant her- Iob. 30.
 bas, et arborum cortices. Rodunt quippe
 scripturam hæretici (ait *b* Gregorius) quia b
 per supernam gratiam non adiuti; hanc co- Lib. 20.
mor. ca ij
in hunc
locum.
 medere nequeunt, quasi quibusdam, nisi-
 bus rodunt. In solitudine memorantur;
 quia ab Ecclesia disuncti sunt: de qua soli-
 tudine Dominus præmonuit: Si *c* dixerint
 vobis; ecce in deserto sunt, nolite credere. Matt. 24.
 Herbas, & arborum cortices mandunt; quia
 elationis suæ obice repulsi, in sacro eloquio
 magna, et intima percipere nequeunt. Vel
 certe herbas mandunt, dum de scriptura sa-
 cra, minima præcepta seruant, maiora con-
 temnunt: quos Dominus increpauit: *d* Vx
 vobis Scribæ et Pharisei hypocritæ, qui de- Matt. 23.
 cimatis mentam, et anetum, et cuminum;
 et reliquistis, quæ grauiora sunt legis.
 Immo si serpentum cubile est sylua, ser-
 pentes

e

Chryf.
hom. 45.
in Mat. 23

pentes sunt omnes hæretici, e prudentes in malo, stulti in bono: et sicut serpentes varij sunt in corpore suo; ita hæretici, varij sunt in sermonibus suis, et multiplices in malignitate.

Itemq; si luporum latibulum sylva est; si spinæ nullibi magis tanquam in proprio loco radican, et rigescunt, quàm in sylva; planum est hæreticos lupos esse, et spinas, quos in sylvis collocare non dedecet: et quos cauendos Dominus proposuit, dicens:

f

Matth. 7.

f Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces: à fructibus eorum cognoscetis eos: nunquid colligunt de spinis vuas? Quod lupi sint sub ouina pelle, ipsa semet comparatio explicat: quod vero spinæ, duabus similitudinibus possumus declarare. g Quemadmodum enim spina,

86

Chryf.
Hom. 19.
in Mat.

ex quacunq; parte illam conspexeris, habet aculeos; sic et serui diaboli, ex quacunq; parte eos consideraueris, iniquitatibus pleni sunt. Si loquitur hæreticus, in dolo loquitur: si tacet, malè cogitat: si irascitur, insanit: si patienter agit, tempus expectat nocendi, et oportunitatem considerat, quādo noceat: si malè agit, non erubescit: si

beno

benè facit, ad vanam gloriam propter homines facit: quomodo proferat bonum fructum, cuius radix diabolus est? Item sub arbore bona et bestia, et animalia requiescunt, sub spinis autem nullum animal requiescere potest; nisi tantummodo serpentes: sic, juxta fideles homines et boni et mali homines pacem habere, ac accipere possunt; juxta autem infideles homines nemo potest pacem habere, neq; requiescere; nisi tantummodo serpentes, idest dæmonia, quæ cubilia habent in pectoribus eorum.

Ecce qualem Scharnitz fatua mulier ista frequentat: ecce quas vrbes, qualia terrarum spatia vesani nanciscuntur hæretici, dum ab vtraq; Hierusalem per saltus inuios elongantur. Qui nihilominus et regredi possent, & mœnia penetrare; modo per viam incederent; et ostium pulsarent. Requiritis viam? fit obuiam Christus, et ait: **l** Ego sum via. In cælum tenditis? hâc itur. **l** Ioan. 14.
i Nemo venit ad Patrem, nisi per me. Per-
l Requiritis ostium? **k** Ego sum ostium, dicit **Ibid.**
 Dominus. Hæsitatis? **l** Per me si quis introierit, saluabitur. Vultis ingredi? **m** Pul-
l sate, et aperietur vobis. Currite, hæretici, **Ibid.**
 discurrete, quocunq; libet; Christum sine **m**
 E iiij Chri- **Matth. 7.**

Christo quærere potestis; inuenire nequaquam. *n* Sine me, inquit, nihil potestis facere. Dicitis; vbi est Christus? Ipse respondet: *o* Ecce ego vobiscum sum omnibus diebus vsq; ad consummationem sæculi. Cum quibus? Cum discipulis suis, quibuscum loquebatur. Nonne hi in Domino requiescunt? Vtiq; Peribit igitur verbum Domini? Absit. Cum quibus igitur continuo vsq; ad consummationem sæculi erit? cum successoribus discipulorum: cum eadem Christi Ecclesia, quam discipuli constituiebant, in qua posteros successiue in eadem fidei vnitate repræsentabant. Sed nunc quid non aliàs etiam discipulis dixit; *p* Me autem non semper habebitis? Si non semper, quomodo omnibus diebus? quomodo vsq; ad consummationem sæculi? Facilis est solutio, ait *q* Eusebius, si duarum in Christo naturarum memores simus: quod enim ait; Me autem non semper habebitis, de præsentia carnis intelligere debemus, quia post resurrectionem die quadragesimo cælos ascendit. Vrgetis? Veritas non caret eloquio. Ero vobiscum, ait, vsq; ad consummationem sæculi, in Petro, in successoribus eius: Me autem non semper habebitis;

n

Ioan. 15.

o

Matt. 28.

p

Mar. 14.

*q*Emis. in
Dom. Pal.

bebitis; quia non eadem persona ipsi erunt, tamen cum collata potestate repræsentabunt. Ero vobiscum omnibus diebus, in Ecclesiasticis ministris meis: me autem non semper habebitis; quia hi quamuis sancti, & docti, sanctitatem et doctrinam meam non adæquabunt; non erunt omnino tales, qualis ego sum sanctus sanctorum, & vnus Magister vester. Sed etsi aliquos minus bonos, minusq; doctos inter eos interdum fore præuideam, non propterea deferam vos, sed ero vobiscum omnibus diebus, in sacramentis: ero vobiscum, per gratiam: ero vobiscum, per essentiam interminabilem; per præsentiam inuisibilem; per potentiam insuperabilem; ero vobiscum, per fidei firmitatem; per doctrinæ sinceritatem; per potestatis æternitatem; per spei certitudinem; per charitatis operationem; Vt sponsus; vt amicus; vt saluator; vt Deus: vt lapis, qui à fundamento euelli non potest. In angustiis, in persecutionibus vestris, quando quis forsan me abesse putabit; quando quod me non habeatis, clamitabunt aduersarij vestri, tunc è medio respondebo; Ecce ego vobiscum sum omnibus diebus vsq; ad consummationem sæculi.

E v

Omni-

38. DE QUANTITATE HOSTIÆ.

Omnibus, inquam, diebus, ut ne momento quidem me careatis: usque ad consummationem sæculi, usque ad illa tempora calamitosa filij perditionis, indeficiens perdurabit fides Petri in successoribus eius:

l
Luc. 22. *l* pro quo ipse rogavi, quem *m* semper audit Pater. Et tunc cessabit quidem motus;

m
Ioan. ij. non cessabit Ecclesia: transibit mundus;

Ecclesia non transibit; sed transferetur, à militia ad triumphum; à via ad patriam; à labore ad præmium. Et nos (dicitis) illis successimus, et nos ad Ecclesiam pertinemus. Probate hoc, si potestis. Si discipulis vultis in cathedra & hæreditate succedere, eandem magistri doctrinam sectemini: eandem discipulorum scholam frequentate: in eadem patrisfamilias domo jugiter permanete: eorum condiscipuli, eorum fratres estote: eos in fide, eos in operibus imitemini: si ad Ecclesiam attinetis, eam diligite; eam non impugnate. Nos, dicitis, Ecclesiam habemus, ad quam spectamus; quam honoramus; in qua totum Christum possidemus. Sed ista, aut eadem est cum nostra, aut non. Eadem planè non est; quia vos aliter, quàm nos, sentitis; aliter vivitis; aliter scripturas interpretamini; paucio-

ciora sacramenta recipitis; longè aliter de illis creditis; multò diuersius ea dispensatis. Ergo alia est Ecclesia, quam profitemini. si alia, dicite, vbi Christus eam instituit? quando eam condidit? Quomodo in ea est Christus, si vnum caput est Christus, et vna est Ecclesia? Quomodo à Christo trahit originem, qui adhuc clamat: *n* Odiui ecclesiam malignantium, et cum impijs non sedebo? Si igitur à Filio non est, certè neq; est à Patre; quia *o* Pater in Filio, et Filius *o* in Patre est: si à Patre non est, stare utiq; non valebit: *p* Omnis namq; plantatio, *p* quam non plantauit Pater, eradicabitur. Psal. 25.
Ioan. 14.
Marc. 13.

DE DVOBVS CON.

sequentibus.

Cap. xiv.

Norunt ista nonnulli; norunt se post desideria carnis ambulasse; à via regia deuiasse; Christum dereliquisse: aperuerunt oculos; agnouerunt viam; redire ad eam, quæ una est, et vera est Ecclesia, à qua arbitrariè, tumultuarièq; defecerunt: recepti sunt: confortati sunt: inuenerunt

uenerunt Christum, 'quem amiserant: in eodem sinu recubuerè, quem priùs lacerare contenderant: in eadem fuère insiti arbore, à qua fuerant antea, ut noxij, ac degeneres, amputati. Es hæreticus! doleo. Sodales quæris? quid in te imiter, non video; quid plorem, inuenio. Fateris? resipisce, et recipieris. Fluctuas? tene fidem, ante naufragium. Diffidis? Osualdus nouit errorem, et inuenit veniam. Es ab Ecclesia abscissus? vide ex trunco prodire rosas. Duo simul miracula in vno eueniunt: aridus stipes, perinde ac viridis, germinat: et germina sunt alterius speciei. Pirumnè tibi videtur, à priuatione ad habitum, à negatione ad actum fieri regressum? additur secundum; & quod in se natura non nouit, nullius inferente manu, nullius temporis interuallo producit: gemino miraculo excitatur fides, et reuiscendi spes ingeminatur. Vnde de ramis fractis ait Apostolus: *a* si non permanferint in incredulitate, inferentur: potens est enim Deus iterum inserere illos. Ad quæ Augustinus addit; *b* siue dicas oues errantes de grege; siue dicas ligna præcisa de vite; nec ad reuocandas oues, nec rursus ad inse-

a

Rom. ij.

*b*Hom. de
Pastor.

con

ad in

quia

la.

min

mere

sifisc

Sec

stinat

res;

null

lunt

Doct

cred

mè c

sibus.

re con

cant:

dent,

eà sa

apud

lis su

les a

cens:

eupid

bus n

conti

prod

ad inferenda ligna minus idoneus est Deus; quia ille summus pastor, ille verus agricola. *c* Potest, qui adulteræ mixtus est, Domino iuuante, reuerti, ac vitam pœnitendo mereri: potest qui hæresi pollutus est, resipiscendo redire ad salutem.

Hier. li. j.
in Prou. ij

Sed sunt quidam tantò in sua perfidia obstinatiores, quantò in sua vita petulantiores; qui, instar huius mulieris, contentiosi, nullam traditionem recipiunt: quibus volunt scripturis assentiunt: nullius sancti Doctoris testimonia probant: sibi ipsis vix credunt; qui sibi ipsis leuiter quàm sæpissimè contradicunt: qui eas, quæ eorum sensibus subiiciuntur, dilucidas rationes, videre conniuentes, contemnunt, atq; conculcant: qui tantò sæuius in Ecclesiam frendent, quantò amantiùs ab ea monentur: qui eâ sapientiâ mundanâ, *d* quæ stultitia est *d* apud Deum, tumidi, velut sapientes in oculis suis, ad interitum vsq; delyrant. Quales ad numerum describit Apostolus, dicens: *e* Et erunt homines se ipsos amantes; *e* cupidi, elati, superbi, blasphemi, parentibus non obediētes; ingrati, scelesti, incontinentes, immites, sine benignitate, proditores, proterui, tumidi, cæc; et voluntatum

d
j. Cor. 3.

2. Tim. 3.

pratum amatores magis, quàm Dei: habentes speciem quidem pietatis, virtutem autem eius abnegantes. O quantus iniquitatum aceruus, quanta illuuius! estnè scelus non in his comprehensum? Et erunt, inquit: utinam et nunc non essent. Homines: naturâ quidem; sed moribus demones. Se ipsos amantes: effœminati; sine amore Dei. Elati: correctionis impatientes. Superbi: sibi ipsis solummodo confidentes. Blasphemi: Cœlum ipsum linguâ transuerberantes. Parentibus non obediētes: quibus ergo obtemperabunt? Ingrati: quibus igitur beneficijs allicientur? Scelesti: quæ vitia non habebunt? Sine affectione: quid faciet proximus? Sine pace: quis cum eis tractabit? Criminatores: ubi erit iustus? Incontinentes: quid fœdus? Immites: cui parcent? Sine benignitate: ubi opera misericordiæ? Proditores: ipsum Magistrum negantes. Proterui: in suis dogmatibus. Tumidi: in suis doctrinis. Cæci, in cognitione veritatis. Voluptatum amatores: quarum studio ab Ecclesia dissident, et bona opera negant. Habentes speciem pietatis: Euangelium superficietenus zelantes. Virtutem autem eius abnegantes:

tes:

tes: spiritalem sensum abhorrentes; et quod Euangelium præcipit, pedibus conculcantes. Periculosa tempora: pessimos homines. Quomodo cum illis agendum? Hos deuita. Sanum consilium. Sed cur deuitare monetur Timotheus; qui ad illud sæculum non spectabat? cui tandiu viuendum non erat? Et tunc tales profectò aderant, quorum dum desperabat correctio- nem, debebat deuitare incursum. *Non* enim disputare amant hæretici: sed quomodo superare impudentissimà audaciâ: de quibus item dicit Apostolus: Quem- admodum *m* Iamnes, et Mambres resisten- sunt Moysi; ita et hi resistunt veritati: ho- mines corrupti mente; reprobi circa fidem. Sed ultrà non proficient: insipientia enim eorum manifesta erit omnibus, sicut & illorum fuit. *Aug. lib. 13. con. Faust.*

Quid eis superest? vt mentis insaniam mors repentina sequatur: et Sacramento- rum beneficio; in quæ peccauere, priuatis eò protinus, moriendo delabantur, quò delabi longo tempore meruerunt: eorumq; lingua moueri tandem ad veniam nequeat, quæ tamdiu blasphemata fuit in creatorem. *Exod. 7.*

Huius-

64. DE QUANTITATE HOSTIÆ

Huiusmodi mortem subiit *n* Arius, de quo
 Socr. lib. Ambrosius: *o* Effusa sunt (ait) Arii visce-
 Hist. ra (pudet dicere ubi) atq; ita crepuit me-
 Eccl. ca. 25. dius, prostratus in faciem; ea, quibus Chri-
 stum negauerat, sœda ora pollutus. Cre-
 Lib. j. de puit enim, sicut etiam de Iuda p Petrus Apo-
 Fi. ca. 9. stolus dixit, quia possedit agrum de mercede
 P iniustitiæ, et in faciem prostratus cre-
 aa. j. puit medius, et effusa sunt omnia viscera
 eius. Non est fortuita mors, vbi in sacri-
 legio pari, pœnæ parili processit exemplum:
 vt idem subirent supplicium, qui eundem
 Dominum negauerunt, & qui eundem Do-
 minum prodiderunt. Huiusmodi mortem
 subiit Iulianus: siue fuerit à Persis, temerè
 in hostes excursans, jaculis confixus: siue,
 quod copijs suis inuideret, de sublimi tumu-
 lo, quò spectatum ascenderat, à milite ira-
 to præceps actus, gladioq; transfixus: siue
 à faceto, & ridiculo barbaro (quales habent
 exercitus) siue à saraceno quopiam occi-
 sus. Vt cunq; se res habet; lethale certè (ait
 Nazian. q Gregorius) orbiq; uniuerso salutare vulnus
 or. 48. in accepit: vnoq; facinore, multorum visce-
 Iul. 2. rum, perniciosè creditorum, pœnas exoluit.

Hoc inquam genere mortis, à quo li-
 berari orat Ecclesia, ij plectuntur, qui cum
 Ecclesia

CON
 Eccl
 nēs E
 ruern
 non
 tō eo
 diutun
 nemp
 patier
 utilit
 cusat
 semp
 tibus
 lingu
 nitica
 res ias
 nihil.
 rei scop

Q
 m
 d
 titate

Ecclesia noluerunt participare; qui orationes Ecclesiæ despexerunt; qui eas non meruerunt. Qui autem occulto Dei iudicio non subito moriuntur, nouerint, neque subito eorum mortem terminandam, sed eius diuturnitatem æternitate compensandam: nempe ut eorum facinorosa vitæ ad Dei patientiam commendandam; ad Ecclesiam utiliter exercendam; ad ipsorum leues excusationes diluendas longæuitas, magno sempiternæ mortis congiario, talibus militibus debito, remuneretur. Nos jam derelinquamus Scharnitz: definamus has Scharniticas belluas cornupetas in saxa & arbores insanire ac furere: sibi obsunt; Ecclesiæ nihil. Et ad hostiarum distinctionem, ut rei scopus propius attingatur, deueniamus.

DE MULTITVDI-

ne hostiarum legis.

Cap. xv.

Quoniam verò duplex est quantitas, nimirum discreta, atque continua; prius de numerali, atque discreta hostiæ quantitate tractemus. Magnum autem & penè

F

innume-

66. DE QUANTITATE HOSTIÆ.

innumerabilem fuisse sacrificiorum numerum in lege, ex ipso Leuitico, & Numerorum libro summam haberi potest. Distinguntur autem tribus modis: vel respectu suarum operationum; vel ratione participantium; vel respectu materiæ & formæ, seu finis. Si operationes attendimus, quinque erant genera secundum *a* Albertum: videlicet, holocaustum, pacifica, victima, immolatio, et hostia. Holocaustum erat, quod totum comburebatur; sic dictum à totalitate incendij, quod etiam holocarpoma à totalitate fructus secundum *b* Origenem dicebatur. Pacifica, quæ pro inita pace vel ineunda: siue pro peccatorum reconciliatione sacrificabatur. Victima, quæ victa tradebatur, vel pro victoria parta. Immolatio, quæ per animal, molâ capiti superpositâ, tanquam Deo dicatum, fiebat; vel per tales oblationes, quæ molebantur, vt farina, thus, et huiusmodi. Hostia vero ea dicebatur, quæ ad ostium tabernaculi, manibus offerentium capiti eius impositis, offerebatur; velut per eam ad Sancta pateret accessus: vel quod pro expugnatis, aut expugnandis hostibus peculiare sacrificium esset. Attamen, etsi distinctè ponatur hostia;

a
In sum de
Cor. Chr.
dist. 1.
Tra&. 1.
cap. 2.

b
Hom 5 in
Leuit. 7.

stia; habet tamen quid commune cum omnibus, sicut oblatio; quæ in omnibus sacrificiorum generibus inuenitur: nam quidquid sacrificatur, offertur. Idq; communiter dicebatur hostia, quod offerri debebat, ad quoduis supradictorum sacrificiorum animal, siue res spectaret. Quare sicut quantum ad actum offerendi, vnumquodq; sacrificium dici poterat oblatio: ita quantum ad rem oblatam vnumquodq; sacrificium dici poterat hostia. *c* Mille hostias obtulit Salomon super altare in Gabæon, et tamen dicitur obtulisse eas in holocaustum. *3. Reg. 3.* Lex pacificæ sancitur, & tamen hostia nominatur: *d* Si immolaueritis hostiam pacificorum Domino, vt sit placabilis, eo die, quo fuerit immolata, comedetis eam, et die altero. *Leu. 19.* De victimis etiam agebatur, & tamen dicitur: *e* Sanguinem hostiarum tuarum fundes in altari. *Ibid.* Misso Iona in mare, et pacatis fluctibus, *f* immolantur hostiæ Domino, et hostia vocatur immolatio. *Ioan. 1.* Huiusmodi loca plurima in sacris literis inueniuntur: ex quibus manifestè apparet, non solum alterutrum vsu pari nomina sacrificiorum; verum etiam omnia communi nomine hostias appellari: & per

F ij idiplum

68. DE QUANTITATE HOSTIÆ.

id ipsum rem sacrificatam, vel sacrificandam posse absq; differentia significari.

g
Hom. 8.
in Leu.

Has inquam hostias si per participantes cum g Origene distinguimus: aliæ quidem ita fuerunt Dei solius, vt nullus hominum, nec ipse Moyses, aut Aaron participaret ex ipsis; quæ holocaustomata siue holocarpomata dicebantur. Quædam ad sacerdotem attinebant, & ad filios eius. Quædam ad filias etiam et uxorem. Quædam vero ad ipsum et populum, nempe ad mundos.

Diuidunt eas alij per materiam tripliciter: nam vel materia erat animata, et sic dicebantur victimæ, et hostiæ: vel inanimata, sed solida; & sic dicebatur immolatio, à molitione, quæ per molam fiebat: vel materia erat liquida; et sic dicebantur libamina. Per formam verò seu finem, etiam tripliciter: nam quæ totæ in honorem Dei offerebantur, dicebantur holocaustomata: quæ ad expiationem, dicebantur hostiæ pro peccato: quæ pro beneficio accepto vel accipiendo, dicebantur pacificæ. Hæ tamen hostiæ eadem re ipsa sunt cum prioribus, quamuis in modo doctrinæ distinguantur.

Tantus autem earum numerus atq; diuersitas ob multa fuit. Primum: vt
quantus

quantus honor Deo deberetur ab earum numero, et magnitudine homines intelligerent: indeq; simul tanquam calculis numerando, & calamis metiendo, innumerabiles esse diuinas gratias, atq; immensas, decernerent. Quemadmodum et Abraham dixit Dominus; ad eius sobolis numerum amplificandum: *h* Numera stellas, si potes; sic erit et semen tuum. Rursus: vt Gen. 15. ex qualitate, et quantitate hostiarum melius illi possent peccata sua discernere, ac ponderare. Vtq; vnâ explicaretur, quantam victimarum litationem peccata omnium hominum postularent; pro quibus tot animalium species non sufficerent. Præterea, quia cum omnes hostiæ vnâ hostiam Christum Iesum, velut lineæ cetrum, respicerent; huiusq; vnius hostiæ perfectiones immensæ, vnius victimæ immolatione ac proprietate præsignari non possent, augetur hostiarum numerus, vt in multis vna, vtcunq; fieri potest, describatur. Vel (vt ait i Origenes) quoniam introiuit peccatorum in Mundum, peccati necessitas propitiacionem requirit, & propitiatio non fit, nisi per hostiam, necessarium fuit prouideri hostiam pro peccato. Et quoniam peccati

F iij diuersæ,

70. DE QUANTITATE HOSTIÆ

diuersæ, & variæ qualitates fuerunt; diuersorum animalium mandantur hostiæ, procul dubio, quæ conuenirent multitudini peccatorum.

DE VNITATE HO-

stiæ Euangelij.

Cap. xvi.

VBi verò Dominus noster in ara crucis, vt summus summorum sacerdotum Pontifex, seipsum obtulit Patri in sacrificium, quod omnia & singula legis sacrificia signabant; à quo omnium legalium hostiarum virtus, velut à viuo fonte, manabat; cesserunt omnia vni; atq; vt vmbra coram Sole, cessarunt. Propterea urbem Hierusalem *a* deletam, aiunt, vt puniretur populus: ideo templum subrutum, vt typicæ hostiæ tollerentur. *b* Vide (inquit Origenes) quantis indigeant ista omnia hostijs; quantos requirant vitulos; quantos arietes, quantos hircos. Sed & in his omnibus vnus est agnus, qui totius Mundi potuit auferre peccatum: ideo cessauerunt ceteræ hostiæ, quia talis hæc fuit

a Apud
Hieron.
Ep. 17.
Pau. et
Eust. ad
Marc.

b
Hom. 24.
in Num.
28. & se-
quen.

fuit hostia, vt vna sola sufficeret pro totius
Mundi salute. Cateri enim precibus pec-
cata, hic solus potestate dimisit. Sic ergo
imbuitur Mundus: primò, per diuersas ho-
stias remissionem querere peccatorum, do-
nec veniat ad hostiam perfectam, ad ho-
stiam còsummatam, agnum anniculū perfe-
ctū, qui tollat peccata totius Mundi. c Nunc
(ait Leo) carnalium sacrificiorum varietate
cessante, omnes differentias hostiarum, vna
Corporis, et Sanguinis tui implet oblatio.

Ser. 8. de
Pass. Do.

Vna itaq; est hostia Euangelij, omnes le-
gis hostias complectens, Iesus Christus Do-
minus noster. d Neq; vt sæpè offerat semet-
ipsum quemadmodum pontifex intrat in
Sanctasanctorum per singulos annos in
sanguine alieno: alioquin oportebat eum
frequenter pati ab origine Mundi: nunc
autem semel in còsummatione seculorum:
ad destructionem peccati per hostiam suam
apparuit, ait Apostolus. Et quemadmo-
dum statutum est hominibus semel mori,
post hoc autem iudicium: sic et Christus se-
mel oblatus est ad multorum exhaurienda
peccata: e Incedens vsq; ad interiora ve-
laminis, vbi præcursor pro nobis ipse in-
troijt, secundum ordinem Melchisedech

Hebr. 9.

Hebr. 6.

F iiij

Ponti-

72. DE QUANTITATE HOSTIÆ.

Pontifex factus in æternum. Vis holocaustum? Ipse fuit vnigenitus *f* Isaac, petitus *f* Gen. 12. in holocaustum. Vis pacificam? Ipse est *g* Eph. 2. *g* pax nostra, qui fecit vtraq; vnum; medium parietem maceriæ soluens in carne eius. Vis victimam? De ipso ait Ieremias: *b* Et ego quasi agnus mansuetus, qui portatur ad victimam; & nō cognoui, quia cogitauerunt super me consilia, dicentes; Mittamus lignum in panem eius, et eradamus eum de terra viuentium, et nomen eius non memoretur amplius. Vis immolationem? *i* Pacha nostrum immolatus est Christus. Vis hostiam? vis oblationem? Ita *k* Christus dilexit nos, vt traderet semetipsum pro nobis oblationem et hostiam Deo in odorem suauitatis. Delectant in hyeme flores depicti, aut in sericas frondulas elaborati: benè olent in hyeme flores veteres in armarijs constipati: at succedente vere, veri flores ita delectant, ita olent, vt artificiales, antiquosq; flores despiciamus: hos namq; ideo æstimabamus, quia veros, recentesq; eo tempore habere non poteramus. Hoc sanè modo, tempore legis requirebat Deus tot, tantaq; genera hostiarum: quando autem *l* hyems illa abiit, et recessit; quando
tempus

f

Gen. 12.

g

Eph. 2.

b

Cap. ij.

i

i. Cor. 5.

k

Eph. 5.

l

Cant. 8.

tempus Euangelij accessit, et flores omnium
 gratiarum in terra nostræ carnis à Verbo
 assumptæ, apparuerunt: defecerunt illæ, vt
 figuræ; defecerunt, vt veteres: eas amplius
 Deus neq; oblatas suscepit, neq;, non obla-
 tas requisit: *m* Sacrificium, et oblationem
 noluit: Holocaustum pro peccato non po-
 stulasti. Vnde hoc? proximus erat vnicus
 ille, ac verus *n* flos campi, liliumq; conual-
 lium. in odorem suauitatis, Filius Dei; *o* in
 quo Pater sibi benè complacuit; et qui sta-
 tim dixit; Ecce venio.

m
 Psal. 9.

n
 Can. 2.

o
 Mat. 3.

Hanc vnā eandemq; hostiam ei et nos
 quotidie offerimus in altaris sacrificio: quā
 sacerdos pascitur; quā Ecclesia saginatur: in
 qua idem Christus jam olim immolatus, of-
 fertur, & sumitur. Sed dices; *p* Nonne in
 Christo semel oblata est hostia ad salutem
 sempiternā potens? Vtiq;. Quid ergo nos?
 Nonne per singulos dies offerimus? Patet.
 Quare? Ad recordationem mortis eius. Quot
 igitur hostiæ? Vna omnino. Quomodo
 vna, & non multæ? Quia semel oblatus est
 Christus: hoc autem sacrificium exemplum
 est illius, id ipsum, semper idipsū. Nonne in
 multis locis offertur? Ita. Nunquid proinde
 multi sunt Christi? Nequaquam, sed vnus
 est Chri-

p
 De conf.
 d. 2. cap.
 in Chri.
 semel. et
 Chrys.
 Hom. 17.
 in cap. 9.
 ad Hebr.
 et in 4.
 Sen. dist.
 2.

est Christus. Num hic totus, ibi non totus? Non ita: sed et hic plenus existens, et illic plenus. Quomodo? sicut enim quod ubiq; offertur, vnum est Corpus, & non multa corpora; ita et vnum sacrificium.

Sciendum tamen, quamuis idem sit Christi corpus, quod tunc in alta cruce est oblatum, et quod nunc in altari sacro offertur; hoc tamen aliter, atq; aliter fieri. Ibi enim passibile, & mortale; hic immortale, et impassibile. Ibi cruentum, hic incruentum. Ibi visibiliter; hic inuisibiliter. Illic in forma propria; hic sub speciebus panis et vini. Ibi per ministerium impiorum; hic verò piorum. Ibi semel; hic quotidie. Ibi cum impropertijs; hic cum canticis spiritualibus. Ibi passio exercetur; hic passio representatur. Ibi merita cumulantur; hic eadem applicantur. Illic sitit; hic sitientibus suum sanguinem propinat in potum. Illic spinis, clavis, lancea transfigitur, et laceratur; hic manducatur, & non scinditur; dentibus tractatur, et non teritur; palato ducitur, et non violatur. Ibi sensibiliter clamat, hic sonitus non auditur, et anima excitatur. Ibi spiritum emittit; hic spiritum immitit. Ibi moritur; hic mori iterum

rum non potest. Ibi derelinquitur; hic frequentatur. Ibi tanquam peccator oblatus est, qui peccatum non nouit; hic verò, vt innocens immolatur et sumitur. Quemadmodum in hædo, ab omni multitudine immolato; & in agno, qui per domos comedebatur, ab antiquo ignoruit. Nam Iudæi hædum occiderunt, inter iniquos, et peccatores Saluatorem deputantes: nos autem (ait q Eusebius) quia eum innocentem, et Filium Dei credimus, agnum absq; macula immolamus, et sumimus. Ita tamen, vt hoc & illud, vnum sit sacrificium, vna victima, et vna prorsus hostia salutaris.

q
Emiss. fer.
2. post
Pasc.

MULTAS HABET HO.

stias Euangelium: et vnam.

Cap. xvii.

Habet tamen etiam Ecclesia multa ac varia hostiarum genera; non quæ secundum legem incedunt, sed quæ decent Euangelicam gratiam: quarum decem ponit a Chrysostomus: Nimirum: salutaris; martyrum; deprecationis; iubilationis; iustitiæ; eleemosynæ, laudis, compunctionis et humilitatis; prædicationis;

4
Hom. in
Psal. 95.

76. DE QUANTITATE HOSTIÆ.

nis; atq; fructificationis. Hostia salutaris est spirituale, ac mysticum illud donum, de quo Paulus ait: *b* Imitatores estote Dei, *b* Ephes. 5. tanquam filij dilecti; et ambulare in dilectione: quemadmodum et Christus dilexit nos; tradiditq; semetipsum pro nobis. De hostia martyrum exponit *e* hic Chrysostomus locum Apostoli: *d* Vt exhibeamus corpora nostra hostiam viuentem, sanctam, Deoq; placentem. De hostia deprecationis scribitur: *e* Dirigatur oratio mea, sicut incensum in conspectu tuo: Eleuatio manuum mearum sacrificium vespertinum. Hanc si de carne pudica, de anima innocentis, et de spiritu perfecto proficiscatur, *f* opimam hostiam appellat Tertullianus; ac maiorem; supple, quam fuerint antiqua animalium sacrificia. De hostia laudis habemus: *g* Sacrifica Deo sacrificium laudis. *g* Psal. 140. De hostia iustitiæ: *h* Tunc acceptabis sacrificium iustitiæ. De hostia eleemosynæ monet Paulus: *i* Beneficiæ autem, et communionis nolite obliuisci: talibus enim hostijs promeretur Deus. De hostia iubilationis legitur: *k* Circuiui, et immolaui in tabernaculo eius hostiam vociferationis, id est, iubilationis, vt intelligit cum Chrysostomus.

b

Ephes. 5.

e

In Pl. 93.

d

Rom. 12.

e

Psal. 140.

f

In Apo-

log. adu.

Gen. cap.

30.

g

Psal. 140.

h

Ibid.

i

Hebr. 13.

k

Psal. 26.

CON

solto

ctio

ciur

tric

De

m A

obla

Spir

cati

pti

sua

1

pon

com

host

bene

nis

sole

pe l

sing

L

bus

coru

ueru

ba, T

Vos

Vos

Iostomo Augustinus. De hostia compun-
 ctionis & humilitatis asseritur: *l* Sacrifi- *l*
 cium Deo spiritus contribulatus: cor con- *Psal. 30.*
 tritum et humiliatum Deus non despicias.
 De hostia prædicationis inquit Apostolus:
m Administrentes Euangelium Dei, ut fiat *m*
 oblatio gentium accepta, et sanctificata in *Rom. 5.*
 Spiritu sancto. Deniq; de hostia fructifi-
 cationis idem ait: *n* Repletus sum exce- *n*
 ptis ab Epaphrodito, quæ misistis in odorem *Phil. 4.*
 suauitatis hostiam acceptam, placetem Deo.

Est item hostia deuotio mentis: ut ex-
 ponit *o* Gregorius illa verba: Populus non *o*
 comedit; nisi prius Samuel benedixerit: Si *Lib. 4. in*
 hostia mentis, (ait,) eius deuotio est; hostiæ *1. Reg. 9.*
 benedicitur, quando ad vocem prædicatio-
 nis sanctificatur. Hanc etiam hostiam,
 solemnem superius vocat: *p* Solemnis quip- *p*
 pe hostia fuit, de incomparabili eloquio, *Lib. 1. in*
 singularis oblatio deuotionis. *1. Reg. 10.*

Dicitur etiam hostia castitas; placenti-
 bus Domino hostijs *q* eunuchorum; id est *q*
 eorum, qui pro *r* regno Dei se ipsos castra- *Esai. 56.*
 uerunt. Vnde *s* Hieronymus ad illa ver- *r*
 ba, Tollite hostias, et introite in atria eius, *Matt. 19.*
 Vos ipsi, (ait,) afferte hostias. Quas hostias? *s*
 Vos ipsi estote hostiæ: virginitas holocau- *In Psal.*
 stum *95.*

78. DE QUANTITATE HOSTIÆ.

stum Christi est: vniuersa castitas siue in virginitate siue in viduitate, siue in continentia, hostia Christi est. Rem nouam loquor: hostia castitatis ipsa se portat: Tolle hostias, et introite in atria eius.

Item hostiæ sunt quælibet opera charitatis: de quibus scribitur: *r* Diligere proximum, tanquam se ipsum, maius est omnibus holocaustis, et sacrificijs.

Hostia quoq; dicitur completa ac perfecta sanctitas, de qua vaticinatus est Malachias: *u* Placebit Domino sacrificium iuda, et Ierusalem, sicut dies seculi, et sicut anni antiqui. Quem locum de sanctis hominibus exponit *x* B. Augustinus, in quibus post iudicium, nullum omnino inueniatur peccatum, atq; ita se ipsos offerent in veritate iustitiæ, sine vlllo vicio, vt hostiæ immaculatæ; & vt pristinis diebus annisq; prioribus, scilicet, quando in vmbra huius rei futuræ, mundissimæ hostiæ offerebantur.

Postremo, quia in hostiæ sacrificio requirebatur occisio animalis oblati; vsurpatur plerumq; hoc nomen; et ipsi *y* gladiatores, qui publicè voluptatis causâ se morti exponebant, hostiæ dicebantur. Et quia potissimum offerebatur pro peccatis; idcirco ho-

r
Mar. 12.

u
Cap. 3.

x
Li. 20. de
Ciu. Dei
cap. 26.

y
Tertul.
li. de soc.
cap. 19.

CON

col

acce

dici

vel

Deu.

a Da

Phili

dem

batur

bon

ipse

nis s

tur

Nihi

stia:

est ob

et faci

mus.

na et

eleen

feren

contr

teres

cideb

morti

quia

ues, d

co hostia, ipsemet peccati nuncupationem accepit: Omnis quippe hostia pro peccato, dicitur peccatum, ait *z* Ambrosius. Et quia *z* vel in honorem Dei, vel ad placandum Deum offertur, accidit, ut etiam quæ idolo *a* Dagon offerebantur, quem pro Deo suo Philistini colebant, hostiæ dicerentur. Tandem quia in hostijs puritas magna requirebatur, merito actum est, ut vnumquodq; bonum opus, vnaquæq; hominis perfectio, ipse bene compositus homo, hostia in diuinis scripturis, et apud Sanctos patres vocetur. Quomodo corpus, inquires, hostia fiet? Nihil mali respiciat oculus, et factus est hostia: nihil turpe loquatur lingua, et facta est oblatio: nihil iniqui committat manus, et facta est holocaustoma *b* ait Chrysostomus. Immo non sufficiant ista; sed et bona etiam faciamus opus est: nimirum, ut eleemosynam faciat manus: calumnias inferentibus benedicat os: auditus diuinis continuo sermonibus vacet. Nam apud veteres (docet *z* Ambrosius) ideo oblata occidebatur hostia, ut homines peccati causa morti subiectos significaret: nunc autem quia per donum Dei, purificati sunt homines, & à morte secunda liberati, viuam hostiam

In ep. ad
Heb. ca 9

Iudic. 16.

Hom. 20.
in Rom.
12.

In eundem locum.

80. DE QUANTITATE HOSTIÆ.

stiam debent offerre, vt signum sit vitę æternę. Non enim sicut tunc corpora pro corporibus immolanda; sed vitia corporis perimenda sunt.

Ecce quot habes hostias, quas offeras, ecce quales habes, quas mactes; quotidie potes, vbiq; potes hostias offerre. Non aliunde inquirenda tibi sunt animalia; te ipsum quære, et inuenies hostiam. Quomodo igitur vna est hostia, si multę sunt? Sunt vtiq; multę, et tamen vna est. Spiritales multę sunt, de quibus dicitur: *d* Offerentes spirituales hostias, acceptabiles Deo per Iesum Christum. Sacramentalis verò vna est hostia: vnum est Eucharistię Sacramentum, vnum est sacrificium Corporis, et sanguinis Christi.

DE VNITATE HOSTIÆ
in Sacrificio, et Communione.

Cap. xviii.

VNum inquam est, secundum Sacramenti substantiam, illud, quod à sacerdote in altari iugiter immolatur, et quod à fidele communicante percipitur: tamen

tamen vt in altari à sacerdote offertur, est etiam sacrificium. Hoc verò pluraliter dicitur in canone Missae; * Hæc dona, hæc munera, hæc sancta sacrificia; tum quia omnia vereris legis sacrificia continet; tum quia sub diuersis speciebus, quippe panis & vini offertur: tum etiam, vt cumulum donorum et gratiarum in ipso, per ipsum, et cum ipso sacrificio ostendat, tametsi vnum est sacrificium, et vna hostia: de qua etiam in canone habetur: * Sanctum sacrificium, immaculatam hostiam. Illudq; obseruandum, tunc pluraliter dici, dona, munera, et sacrificia, cum non sunt consecrata: post consecrationem vero, singulariter sacrificium, et hostiam dici. Nam ante consecrationem adsunt adhuc substantiæ naturales in pane, et vino, et secundum substantias distinguuntur; licet ad vnum dirigantur sacrificium: post consecrationem verò nulla est amplius substantia panis in pane, neq; vini in vino: sed per transubstantiationem est vnicum et sanctissimum Corpus Christi: et quamuis diuersæ illæ species diuisim diuersa mysteria representent: omnia tamen mysteria ad vnum Christum tendunt; quem vnum illæ diuersæ species æquè

G plenè,

plenè, realiter continent. Et quamvis ex vi verborum consecrationis in pane sit solum Corpus Christi; ex vi verborum in vino sit solum Sanguis Christi: est tamen totus Christus sub specie panis, et totus sub specie vini, propter vnionem naturalem animæ cum corpore: quæ vnio talis est à Resurrectione Dominica, ut amplius diuidi nequeat: & propter vnionem hypostaticam Verbi cum anima, et corpore, nunquam, et nullo casu intermiscibilem. Qui verò alteram, vel utramq; concomitantiam negat, diuidit Christum, et quasi laniat efficitur Corporis Christi: immo peior ipsis crucifixoribus. Hi namque etsi occidendo, à corpore animam instrumentaliter separauerint, corpus tamen tunc erat passibile, aliter occidi non potuisset: nec propterea à corpore, aut animâ separare potuerunt deitatem. Ille verò concomitantiam negando, animam à corpore jam immortalis, suo modo diuidit: et quantum in se est, ab anima et corpore ipsam remouet diuinitatem. Sed quid absurdius? Prope mortem est frater tuus, et testans ait: Hanc domum meam relinquo fratri meo Ioanni; et nihil aliud explicat. Moritur; in illa domo

domo est etiam puteus, num vis etiam puteum? haud dubio. Quare? ille profecto nullam mentionem fecit de puteo: reliquit quidem domum; sed puteus non est domus, neque domus est puteus. Non refert, iniquies, sufficit reliquisse domum, nam simul intelligitur quicquid immobiliter attinet ad illam, etsi quicquid attinet, non sit domus. Si ergo puteum à domo nō diuidis, quia spectat immobiliter ad domum, quamuis ipse non sit domus, cur animam, et deitatem diuidis à corpore Christi, si anima et deitas immobiliter attinent ad corpus Christi, licet neque anima, neq; deitas sit corpus? Rursus, nascitur tibi filia, et ipsa est alba oculos: tu non talem, sed nigram oculos malles: remoue igitur albedinem, quæ non placet. Non possum, ais; est enim accidens inseparabile. Accidens à substantia separare non uales, incorruptâ substantiâ, quia inseparabiliter inest; et substantiam diuidere ualebis à substantia, cui indiuisibiliter est unita, utrâq; simul inuiolatâ substantiâ? Ad eundem modum Ebion diuidebat Christum, negans eum esse Deum, et hominem:

a sed quid dicit Ioannes? a Omnis spiritus
 Ep. 1. ca. qui soluit Iesum, ex Deo non est, et hic est
 4. antichristus. Ergo nisi velimus Christum
 soluere, confiteri cogimur totum Christum
 esse sub hac specie panis, et totum sub illa
 specie vini: et hic, et ibi vnum esse Chri-
 stum, et proinde per utramq; speciem vnum
 esse sacrificium, et vnam hostiam. Nam
 post consecrationem accidentia seu species
 panis et vini, diuinâ potentiâ, per se stant,
 sine in hæssione substantiæ: vnde non po-
 nunt in numerum cum corpore Christi, qui
 vnus est, et vnum habet corpus. Quam-
 obrem sacerdos, peractâ consecratione, su-
 per hostiam, et calicem simul signando, di-
 cit: * Hostiam puram, hostiam sanctam, ho-
 stiam immaculatam: nimirum quia tam pa-
 nis, quàm vinum dicitur hostia; immo sub
 utraq; specie vna est hostia. Ter autem
 signat, et ter eam nominat hostiam, ut sub
 utraq; specie indicet esse totum Christum
 secundum triplicem eius substantiam, nem-
 pe corporis, animæ, et deitatis. Mox vt
 ostendat hanc vnicam hostiam sub duabus
 distinctis speciebus offerri, bis signat singu-
 latim primò super hostiam dicens; * Panem
 sanctum: deinde super calicem, subdens;
 Et cali-

* Et calicem salutis perpetuæ. Hanc verò vnam esse hostiam non solum ab vnitatem corporis Christi accipitur, verum etiam à significatione ipsius nominis. Hostia namque secundum Isichium dicebatur, vel quod per eam accessus haberetur ad ostium tabernaculi; et sic sine aspiratione deberet scribi: vel quod hostibus fufis, vel fundendis offerebatur. Vtrumq; enim sub utraq; specie facit hostia Euangelij, et maiora præstet: nam cælorum ostia referat; & contra visibiles atq; inuisibiles hostes, mirum in modum valet. Et ex his duobus effectibus eam D. Thomas in hymno celebrat, dicens: * O salutaris hostia, Quæ cœli pandis ostium, Bella premunt hostilia, Da robur, fer auxilium. Nihilominus licet ita hæc se habeant, vsus tamen ratione distinctionis obtinuit, vt sacramentum sub specie vini dicatur calix, sub specie panis dicatur hostia. Ita ut etiam ante consecrationem et extra altare, materia illa panis azimi pro sacrificio præparata, communiter hostia nuncupetur.

Ex dictis sufficienter patet, quomodo etiam plures hostiæ sint vna hostia; et vna etiam sit illa, quâ sacerdos communicat, et

36. DE QUANTITATE HOSTIÆ.

quâ communicat laicus; nisi hoc addito, quòd sacerdos non solum eam sumit vt Eucharistiam, verumetiam eam Patri offert in altari, ut Sacrificium. Ratio est: quia vnitas vel pluralitas sumitur ab vnitatem, vel pluralitate termini: terminus autem consecrationis est corpus Christi, quod cum sit omnino vnum, vna erit hostia, etsi mille hostiæ cõsecrentur. Non .n. corpus Christi transubstantiatur in substantiam panis, ut plurificetur ad plurificationem substantiarum panis: sed e contrario, substantiæ panis quotquot sint, transubstantiantur in corpus Christi. Vnum corpus Christi, vna Eucharistia, et vna hostia. Quod verò attinet ad accidentia panis, quæ remanent post consecrationem sine inhæsiõne substantiæ, plura utiq; sunt in pluribus hostijs; vnitatem autem hostiæ non dirimunt, ad cuius substantiam, nisi ratione symboli et continentiæ non amplius pertinent. De quibus etiam dicitur, * Sub diuersis speciebus, Signis tantum, et non rebus, Latent res eximiæ. Et de totalitate subditur: * Panis cibus, sanguis potus; Manet tamen Christus totus sub utraque specie. Hæc autem Christi vnitas tam in pluribus et singulis diuisim hostijs,

hostijs, quàm in pluribus et singulis particulis vnus eiusdem, talis sanè censenda, et tenenda est, ut partium Christi nulla fiat confusio, nulla membrorum corporis Domini vnio promiscua, ut pes cum capite, oculus cum calcaneo, nasus cum digito confundatur: absit hoc. Multa remanent membra, et vnum corpus; in suis distinctionibus membra, in sua natura corpus. Quid, oro te, monstruosius, quàm confundere membra Christi? Par enim impietas est coniungere more Sabellij, et Arianicè separare; coniungere in personam vnā, separare naturis. Quod de Deitate inquit *b* Gregorius,

b Nazian.
Or. 6. de
Spiritu-
sancto.

DE POTESTATE ECCLÆ.

*sæ super dispensationem Sacramentorum, et
de quibusdam hostiæ distinctionibus.*

Cap. XIX.

Solet autem Ecclesia Catholica grandiori hostiā uti in sacrificio Missæ, minori verò pro communione fidelium:

G. iij.

quod

88. DE QVANTITATE HOSTIÆ.

a
De cons.
d. 1. Ia-
cobus.

b
Ep. 1.
cap. 1.

c
De var.
cons. Reg
Ep. 118.
ad Ian.
Et de cōf.
d. 2. li-
quido.

quod facere et potuit, et decuit. Potuit qui-
dem: nam licet verba, quibus Eucharistia
conficitur, ab ipso Domino sint tradita, in
quibus nullâ unquam varietate cōtinuò per-
seueravit; et licet Dominus noster primus
fuerit eiusdem institutor, qui et discipulis
suis in cœna similiter faciendi potestatem
dedit, inquit: Hoc facite: **a** Iacobus ta-
men frater Domini, et Basilius Cæsarien-
sis inscripturis addiderunt nobis Missæ ce-
lebrationem, idest ordinem celebrandæ
Missæ: sicut etiam fecit Clemens atq; Chry-
sostomus; necnon alij, alia addentes ad
eius decorem atq; solennitatem. Quare
ab ipso Apostolorum tempore pro confesso
habetur Ecclesiam in dispensatione, et mi-
nisterio Sacramentorum habuisse auctori-
tatem. Quam certè B. Paulus exercuit,
vbi de hoc ipso Sacramento altaris Corin-
thios instruens, ait: **b** Itaque fratres mei
cum conuenitis ad manducandum, inuicem
expectate. Si quis esurit, domi manducet,
vt non in iudicium conueniatis. Cætera
autem, cum venero, disponam. **c** Vnde in-
telligi datur (inquit Augustinus) quia mul-
tum erat, ut in Epistola totum illum agen-
di ordinem insinuaret; idq; quod vniuersa
per to-

per totum orbem seruat Ecclesia, ab ipso ordinatum esse, quod nulla orarum diuersitate variatur. Hanc autem auctoritatem à Domino ipso acceperunt Apostolos, idem Augustinus superius declarauerat: ubi concludens, quod non propterea pransi aut cernati debeamus Eucharistiam sumere, quia post cibos à Domino sumpserunt Apostoli; adiicit: *d* Ideo Dominum non præcepisse, quo deinceps ordine sumeretur, ut Apostolis, per quos Ecclesias dispositurus erat; seruaret hunc locum. Quamobrem de alijs etiam Ecclesiasticis antiquisq; consuetudinibus generatim ait: *e* Sunt multa, quæ vniuersa tenet Ecclesia, et ob hoc ab Apostolis præcepta benè creduntur, quanquam scripta non reperiuntur.

d
Ibid.

e
De bapt.
con. Don.
lib. 5.
cap. 23.

Novit semper hanc eandem Apostolicæ auctoritatis successionem Sancta Mater Ecclesia: novit diuersis temporibus alios atq; alios requiri vtilès ritus; proinde aliquot in Sacramentorum administratione pro eorundem cultu et fidelium usu, ubi operæ pretium fuit, mutavit: *f* declarans hanc potestatem se perpetuò habuisse, ut in Sacramentorum dispensatione, saluâ illorum substantiâ, ea statueret, vel mutaret, quæ

Conc.
Tri. Scff.
21. cap. 3.

90. DE QUANTITATE HOSTIÆ.

suscipientium vtilitati, seu ipsorum Sacramentorum venerationi, pro rerum, temporum, & locorum varietate magis expedire iudicaret.

Idcirco quamuis antiquitus ipsis sumentium manibus Eucharistia committeretur, vt in domum referri, et ibi pro opportunitate sumi posset: quamuis in itinere, in nauigatione eam ferre liceret: ortis tamen casibus, quibus alio vsui, quàm fas erat, à quibusdam applicabatur: demum tepefcente hominum charitate; et, debitâ tanto Sacramento, veneratione apud quosdam diminutâ: hæresibusq; varijs de tam clara, ac certa eius veritate superfeminatis; huiusmodi vsus abrogauit, et immutato Sacramento, mutauit: nec vltra sumentium, siue peragantium arbitrio commisit: sed per ministros Ecclesiasticos, loco, modo, et tempore constitutis, reuerenter distribuit; et honorificè, vt par est, tantùm in Ecclesijs conseruat.

Voluitq; vt talis panis consecrandus, seruitâ materiâ requisitâ, differenter conficeretur à pane communi: vt inde nosceretur apertius tantam esse distinctionem inter profanum panem, et sacrum, quanta
est in-

con
est i
tiam
com
tum
Beda
de qu
dam
dere
rum
dice
nem
et po
volu
tur in
sionis
ctione
stum
nis ei
contr
tim a
Ad
laris,
quia c
Adde,
etissim
grueb
cælic

CONTRA ERROREM OSWÄLDI. 91.

est inter substantiam panis, et substantiam Corporis Christi: *g* Non enim ut communem panem, neq; communem potum ista sumimus, inquit Iustinus. Vnde Beda, qui vixit circa annum Domini 720. de quibusdam paganis, filijs Regis cuiusdam Christiani demortui: *h* Cùm viderent, ait, Pontificem celebratis Missarum solemnijis, Eucharistiam populo dare, dicebant; Quare non et nobis porrigis panem nitidum, quem & patri nostro dabas, et populo adhuc dare non desistis? Iterum voluit, ut ibi etiam signa aliqua efficerentur imaginis Christi, siue nominis, siue passionis eius,; non solum obeandem distinctionem; verum etiam ut inde quoq; Christum realiter ibi esse, et memoriam passionis eius fieri manifestaretur: et sacerdos contrectando, et populus adorando, oculatim ad præcella illa mysteria subleuaretur.

Adhuc voluit, ut eius forma esset orbicularis, tum ut mânæ magis responderet; tum quia oris rotunditati aptius accommodatur. Adde, quia figura illa est figurarum perfectissima, quæ Sacramento perfectissimo congruebat: nec non figura orbium, idonea ad cœlicum, atq; Angelicum panem designandum.

g
Iust. Mar.
Ora. au
Anton.
Pium.

h
Lib. 2.^o
Hist. cap.
5.

92. DE QUANTITATE HOSTIÆ.

dum. Quinimmò vt per tale æternitatis
symbolum, æternum eum esse denotaret,
qui sub illis speciebus adoratur, et sumitur.

Rursusq; voluit, vt subtilis esset hostia,
atq; in modica quantitate, vt faciliùs sume-
retur. Vt eius pretium meliùs discernere-
tur: pretiosa enim in minori quantitate in-
ueniuntur. Vt in fractione pauciores micæ
atomosq; emitteret. Vt species illæ citius
à stomacho haurirentur, & cibus quotidia-
nus suis horis succederet. Vt hinc etiam
maiorẽ fidem exigeret, quod planè est
fidei Sacramentum. Vt tale transubstantia-
tionis opus multò magis ad Dei omnipoten-
tiam referretur; simulq; commendaretur
amor Redemptoris, & potentia conditoris:
i sicut hydria farinæ viduę Sareptanæ inde-
ficienter creuit: & sicut kquinq; solùm pa-
nibus mirabili incremento circiter quinq;
millia hominum Dominus paut. Tum ve-
rò vt meliùs seruari posset in vsum commu-
nicantium, ne ob nimiam quantitatem spe-
cierum duresceret magis: fuit n. necesse, vt
Eucharistia (consulente presbytero) mada-
fieret, antequam l Serapioni seni atq; ægro-
to porrigeretur. Itemq; ne ex proluxa ma-
stificatione reuerentia hæberetur. Ne ué ex
magna

i
3. Reg. 17.
k
Ioan. 6.

l
Euf. li. 6.
hist. c. 36.

con
mag
qua
m
posse
distri
distri
lam in
fracti
cit ta
verè
qui i
luisse
serua
mus
poris
illis fi
tes in
nicati
die

magna specierum quantitate, reliquia aliqua dentibus implicata remaneret. Habemus ad hoc Saluatoris exemplum, qui licet posset magnos, & integros panes discipulis distribuere, fregit tamen prius, fractumq; distribuit, & de Iuda dicitur, post *m* buccellam introisse in eum Sathanam. Et si enim Ioh. 13. fractio illa multis sit facta mysterijs; sufficit tamen nobis nunc scire, quod facta sit: ut verè dicamus, buccellas Dominum dedisse, qui integros habuisset panes, ut daret, si voluisset. Eundem deinceps ritum haud dubio seruarunt Apostoli: *n* Panis, quem frangimus (ait Paulus) nonne participatio Corporis Domini est? Et Lucas *o* de primis illis fidelibus scribit, eos fuisse perseverantes in doctrina Apostolorum, et communi-
 catione fractionis panis. Nosq; ad hodiernum diem easdem hostias, quibus
 in laicorum communione utimur, particulas nominamus.

DECUIT, MAIOREM HO-
stiam Sacrificio, minorem Communioni
decernere.

Cap. xx.

VOluit insuper Ecclesia, vt inter ipsas
 hostias differentia esset quantitatis:
 et minorem sumeret non sacerdos,
 maiori verò sacerdos sacrificaret. Decuit
 enim. Primumq; vt inter Eucharistiam, vt
 Sacramentum est, & vt Sacrificium, aliqua
 fieret differentia, quæ quidem cum in essen-
 tialibus fieri non posset, nec deberet, pro-
 pter institutionem Christi; remansit, vt fie-
 ri posset congruenter in aliquo accidenta-
 li, quæ tamen vnitati et perfectioni hostiæ
 non repugnat.

Deinde ratione sacerdotis, vt sacerdo-
 tis excellentia statui laicali præponeretur;
 et ex magnitudine etiam hostiæ, magnitudo
 sacerdotij honoraretur. Ministerium enim
 ministrorum Christi triplex est secundum
 Bernardum; seruitutis, charitatis, et di-
 gnitatis; ministerium seruitutis, corporis
 est castigatio: charitatis, mentis deuotio:
 dignitatis, Corporis Christi consecratio.

Pri-

In sexd.
 Ser. par. u.
 Ser. ij.

Primùm est sacrificium timoris; secundum amoris; tertium laudis. Ergo decebat, ut qui in sacrificando, dignitatem habet, quam laicus non habet; in communicando susceperet cum aliqua distinctione, secundum quam non suscipit laicus. Hæc autem distinctio fieri non potest, nec debet penes substantiam; nam corpus Christi minui augeriue non potest: neq; si posset, deceret: nam Christi voluntati, et charitati repugnaret, qui se sic totum omnibus dedit, ut totum singulis. Ergo restabat, ut in accidentibus fieri posset. Dixi in accidentibus: nam licet ante consecrationem differentia maioris, et minoris hostiæ sit etiam circa quantitatem substantiæ, cum absq; dubio maior panis substantia sit ubi maior est quantitas panis, quàm ubi minor: attamen post consecrationem, quia tota illa substantia transiit in substantiam Corporis Christi, qui totus est in maiori hostia, & totus in minori, remanet ea differentia quantitatis, solummodo in accidentibus panis: quæ veritati, integritati, plenitudini, et utilitati Sacramenti nullo modo officit, seu cōtradicit.

Hæc autem differentia inter laicos, et sacerdotes in ipsa lege antiquâ probata est: erant

96. DE QUANTITATE HOSTIÆ.

erant enim panes in triplici genere: aliqui dicebantur panes Sacerdotales, scilicet propositionis, quibus vesci licitum erat tantummodo Sacerdotibus: aliqui panes Leuitici, nimirum oblationis, qui in altari holocaustorum offerebantur, & cedebant in usum Leuitarum: postremò erant panes Laici, videlicet communes, quibus uti omnes indifferenter poterant. Nec obstat in medium afferre auctoritates Cypriani, atq; Ambrosij, quod in Evangelio nulla huiusmodi remanserit differentia: cum (ut *b* superius dicebam) de vnitate hostiæ loquantur penes substantiam. Quo similiter modo ad alia quæcunq; Patrum testimonia responderi potest: nam vbi Sanctus Ignatius & Philadelphienses rogat, ut insistent vna fide, & vna prædicatione, vna gratiarum actione vtentes: statim subiicit: Vna est enim caro Domini Iesu, et vnus eius sanguis, qui pro nobis effusus est: vnus etiam panis pro omnibus fractus, et vnus calix totius Ecclesiæ. Quæ Christi vnitas profectò indiuisibilis est: at sunt multæ diuersitates, scribit *d* Anselmus, quæ non in summa Sacramenti, nec in virtute eius, aut in fide discordant. Talis autem diuersitas inter cle-

b
Cap. 6.

c
Epist. 5.

d
In Epist.
de diuer-
sit Sacra-
ment.

CONT

ter c
vox
tificu
tissim
sedit
111. q
bertin
alijs.
muni
laical
inter
vsum
k Bel
Te
passion
aptius
de caus
et con
hostia
ne diu
ni rep
surge
Christ
parte c
in par
reman

ter cle-

ter clericos et laicos facta est, adeo, vt hæc
 vox Communions laicæ in antiquis Pon-
 tificum, atq; Conciliorum decretis vſita-
 tiſſima ſit, veluti apud *e* Siricium P P. qui
 ſedit anno Domini 389. apud *f* Felicem
 111. qui ſedit anno 484. In Concil. *g* Eli-
 bertino, *h* Sardicenſi, *i* Aurelianenſi, et
 alijs. In quibus clerici ob varias culpas com-
 munionem clericali priuabantur, conceſſâ
 laicali ad diffinitum tempus, vel omnino
 interdictâ. Licet hæc diſtinctio eſſet circa
 vſum calicis, vt doctè exponit Cardinalis
k Bellarminus.

Epi. 7.
 cap. ij.

Epi. 1.
 cap. 2.

g
 Can. 76.

h
 Cap. 2.

i
 Can. 1.

k
 De Sacr.
 Euch. li.
 4. ca. 24.

Tertia ratio eſt myſteriorum Dominicæ
 paſſionis, quæ cum maiori hoſtia poſſunt
 aptius in ſacrificio celebrari. Idq; tribus
 de cauſis; videlicet, fractionis; oſtenſionis;
 et contrectationis. Fractionis quidem, vt
 hoſtia in tres partes cum debita proportio-
 ne diuidi poſſet, et *l* triforme corpus Domi-
 ni repræſentari: ſcilicet corpus Chriſti re-
 ſurgentis; in parte miſſa in calicem; ipſe
 Chriſtus adhuc ſuper terram ambulans, in
 parte comeſta: corpus Chriſti in ſepulchro,
 in parte, quæ in altari ad finem vſq; Miſſæ
 remanebat. Quæ vltima pars ſecundum

De conf.
 di. 2. ca.
 Trifor-
 me.

98. DE QUANTITATE HOSTIÆ.

m

De off.

Eccle. li.

3. cap. 35.

n

De reb.

Eccle. ca.

17.

o

Glosa vbi

sup.

m Amalarium, et *n* Micrologum ex anti-
qua consuetudine pro infirmis seruata, via-
ticum morientium dicebatur. Lam verò
aliæ particulæ speciatim consecrantur pro
communicantium, siue ægrotorum vsu; et
triplicis in hostia diuisionis mysterium re-
tinetur, et consuetudo: *o* duæ enim partes
siccæ comeduntur, altera pro animabus San-
ctorum ad laudem Dei; altera pro illis, quæ
sunt in Purgatorio: tertia verò cum san-
guine pro peccatoribus adhuc viuentibus
sumitur. Hæc autem tripartitio in mino-
ri hostia aptè fieri non posset. Secunda
causa est ostensionis: cum enim debeat
super caput eleuari, & populo ostendi;
cerni vix quidem posset, si minor esset.
Ideoq; etiam per octauam festiuitatis Cor-
poris Christi maior hostia palàm asserua-
tur, et circumfertur: vt videamus, adore-
mus, et manducemus: *p* non solum enim
non peccamus adorando, sed peccamus non
adorando: et nemo carnem Christi mandu-
cat, nisi priùs adorauerit, docet Augustinus.
Denique respectu contrectationis, circa to-
tum ritum oblationis; nam minor hostia
minùs commodè posset contrectari.

At quar-

p
Aug. in
Psal. 98.

At quarta præcipua ratio est, sumptionis, respectu laici. Si namq; maior hostia daretur laico, vel integra daretur, vel fracta. Integra, non; quia quantitati oris omnium non accommodatur. Si fracta; vel darentur omnes, et singulæ particulæ fractæ; vel non: si non; ergo non sumeret totam hostiam, et frustra litigaret de huiusmodi hostiæ totalitate: si omnes sumeret particulas; ingeri posset opinio, tanquam non in singulis particulis esset integer Christus, quod cogitare absurdissimum esset. Si autem totus est Christus in singulis illis partibus, et vnam sumere sufficit; melius certe est tales particulas seorsim pro communione præparare, et illas singulatim sine fractione dispensare.

Exinde quinta ratio sequitur, quandoquidem in fractionibus plurium hostiarum, plurimæ parvæ reliquæ congregarentur, non absq; magno periculo, et incommododantis simul ac recipientis: facile enim efflatur atomus, et ipsâ leui oris sumentium aurâ euentilari, et aliquo alio casu decuti potest. Quæ culpa admodum gravis existimatur. Quare monet q Ciryllus, sub specie panis summum Regem sumi, et proinde

H ij.

summa

q
Hieros.
in Cathe-
checi. V.
mistagog.

Hom. 13.
in Exo. 25

f
De conf.
dist. 2.
Qui bene
non cu-
stodit.

Nicepho-
rus li. 17.
hist. ca. 25

//
Iſch. li.
2. in Leu.
8.

summâ reuerentiâ sumendum, & maximâ
diligentiâ curandum, ne in terram cadat.
Et 7 Origenes à custodia huius Saeramen-
ti, ne quid decidat, argumentum aſtruit,
quantâ etiam diligentia custodire debea-
mus verbum Dei. Et in lege ſtriginta die-
rum pœnitentia in ſimili caſu præſcripta
eſt. Non decider quicquam, aiſ, ſi cum ex-
quiſita diligentia ſumatur. Abhiberi po-
teſt, fateor: at talem diligentiam penes ar-
tifices et ruſticos, vetulas, et ſœmellas non
iauenies; in infirmis vero minùs quidem
Conceſſo tamen, quòd ſumma eſſet in om-
nibus apud omnes diligentia; nonne aro-
morum multa eſſet collectio? Quid ex il-
lis? In 7 Eccleſia Græca darent forſitan
pueris innocentibus manducandos, vt ha-
ctenus de more habebant. Vel, ſicut fieri
aliquando ſolebat, // comburerentur: ſi ſci-
licet ſpecies illæ adeo eſſent corruptæ, vt
eas manducare ſenſus horreret. At nonnè
magis conſultum, ad aromorum conge-
riem euitandam, particulatim quidem
Communione dare, ſed ſingillatim parti-
culis conficere, et ita diuiſione præuiâ, ſuis
temporibus diſtribuere? Decuit ſanè hoc
modo facere, et expediuit. Tu vero ita
hoſtiam

hoſt
Aud.
rem,
hoc u
ſue m
quant
lancu
Cui c
mino
tum,
tur, i
ſtanti
teſt d
teſt m
hoſtia
tâ; et
differa
pe, vn
in cor
ſubſi
forma
forma
tiam,
ſi ipſa
na qua
ſequit
huius

hostiam accipis, ac si maiorem acciperes. Audisti, cum de discreta quantitate differe-
rem, vnā prorsus esse hostiam Euangelij:
hoc item audias de quantitate continua;
siue maior sit, siue minor. Quid enim est
quantitas continua, nisi cuius partes copu-
lantur ad eundem terminum communem?
Cui copulatur hostia? nonne Christo? sit
minor hæc, illa maior: sint duæ, sint cen-
tum, omnes ad vnum Christum copulan-
tur, immo in vnum corpus Christi transub-
stantiantur. Sicuti vnitas Christi non po-
test diuidi, sicuti quantitas Christi non po-
test minui, ita in substantiâ, vna sunt omnes
hostiæ; æquales sunt omnes in re conten-
tâ; etsi in quantitate specierum inter se
differant. Vnde, inquires, hoc? Inde quip-
pe, vnde substantia panis transubstantiatur
in corpus Christi. Potest verbum Christi
substantiam in aliam substantiam trans-
formare, et non poterit substantiam trans-
formando multiplicare? immutat substan-
tiam, non adaugebit et quantitatem? neq;
si ipsam rerum naturam intuemur, substan-
tia quantitatem, sed quantitas substantiam
sequitur; nempe corpus, cui inhæret. Sed
huius multiplicationis opus plane diuinum

H iij esse;

102. DE QUANTITATE HOSTIÆ.

κ

Lib. 6. in
Luc. 9.

esse, miraculum quinq; panum declarando κ ait Ambrosius: Mysticum quoq; est, quod et manducans populus satiatur, et ministrant Apostoli: nam et in satietate, repulsæ in perpetuum famis indicium designatur; quia non esuriet, qui acceperit cibum Christi: et in Apostolorum ministerio futura diuisio Dominici Corporis, Sanguinisq; præmittitur. Iam illud diuinum quemadmodum quinq; panes quinq; millibus populi redundauerint: non enim exiguo, sed multiplicato cibo populum liquet esse satiatum.

*CORPVS CHRISTI IN
eadem quantitate est in minori hostia,
ac in maiori.*

Cap. xxi.

ADhuc, quia quantitas diuiditur in quantitatem molis, et quantitatem virtutis, dicendum est, num secundum eandem corporis magnitudinem, eandemq; virtutem, in minori hostia sit, vt in maiori: præsupponentes & Christum realiter esse in Eucharistia, et totum esse: quod Christus,

Christus, quod Apostoli, quod Concilia,
quod Patres vna voce proclamant.

Estne Christus secundum suam corporis
magnitudinem in hostia consecrata? Cor-
pus Christi ibi esse fateor, ibi et eius ma-
gnitudinem credo: qui corpus sine magni-
tudine in natura esse nondum didici.

Omnipotentia id fieri, dices, creatoris, ut
infra illos angustiae terminos totum Chri-
sti corpus sit, quod ut totum ibi sit, sine ma-
gnitudine sit. Cur? propter illas hostiae
angustias. Miror, quod velis loco leges lo-
ci seruare, & tam facile corpori Christi
tollas, quod est corpori congenitum et con-
sentaneum. Cur non potius existendi
modos distinguas, et suam corpori definis
quantitatem?

Dixit Dominus, 4. Hoc est corpus me-
um: numera dictiones, interroga singulas,
singulae respondebunt ibi esse & quantita-
tem. Hoc, ait, quod nam hoc? quod erat,
quod habebat, quod tangebatur, quod indica-
bat; et hoc quidem verum erat, et sine quan-
titate non erat. Est, inquit: quod tunc in
substantiae veritate erat, hoc fuit, hoc est,
hoc erit: quodnam corpus erat? quantum
sine dubio erat, sine magnitudine non erat.

H ilij

Deinde

¶
Matt. 26.
Mar. 14.
Luc. 22.
i. Con. 13.

Deinde subdit, Corpus: quid ultra quæris? si non molis magnitudinem quæris, spiritum quære, non corpus: habes corpus, habes et magnitudinem, habes longitudinem, habes latitudinem, habes profunditatem. Sed dices corpus quoq; dici æereum, siue phantasticum, quod eam quantitatem non habet; at ipse adiecit, meum: Quid est, meum? quod habebat, quantum habebat Tolle à membris Christi quantitatem membrorum Christi; et erit necesse dicere. Hoc est corpus meum, et non meum: meum secundum substantiam, & non meum secundum quantitatem: At ille, Hoc, dixit: Est, dixit: Corpus dixit, Meum dixit: Confiteor in Sacramento esse illud Hoc, quod ipse indicauit; idem Corpus, quod quantitatum semper fuit, ex quo fuit: et quod est, quando, hoc dicitur: et illius esse, qui non fallit, vereq; dixit: Hoc est corpus meum. Confiteor in Sacramento corpus Christi, multo magis confiteri ibidem possum quantitatem corporis Christi.

b
Ioan. 6.

Ipse dixit: **b** Qui manducat me, viuet propter me: vbi manducatur? sub specie panis. Quis manducatur? Me, dixit. Christum non facit corpus solum, vel anima sola, si,

la, siue sola diuinitas. Dabis ergo et animam in corpore: at corpus cum anima est organizatum; habet membra, et vnum membrum non facit corpus; sed omnia membra vnum sunt corpus: sic enim Apostolus Paulus probans vnum esse Christum in varietate gratiarum spiritualium similitudinem sumit à corpore. ^c Nam et corpus non est vnum membrum, sed multa, ^{1. Cor. 15.} Neq; essent multa membra si mixta essent. Si totum corpus oculus, vbi auditus? si totum auditus, vbi odoratus? Posuit Deus membra, vnumquodq; eorum in corpore, sicut voluit. Quòd si essent omnia vnum membrum, vbi corpus? Nunc autem multa quidem membra, vnum autem corpus. Hæc est doctrina Apostoli; hoc sensus monet; ratio monstrat; natura suadet; et ordo exigit Conditoris. At si quantitatem tollas à corpore, non erit vtiq; expansum; vbi ergo distinctio membrorum?

Est igitur totus Christus secundum suam quantitatem in hostia, et tantus in minori hostia, quantus in maiori. Hoc communiter tenet Ecclesia: hoc ^d Theologi, et ^e Canonistæ: Singuli (aiunt) totum accipiunt Christum Dominum, et singulis por-

H v

tioni-

^d
4. Sent.
dist. 12.

^e

De cons.
d. 2. cap.
Singulâ.

tionibus totus est: nec per singulos minuitur, sed integrum se in singulis præbet. Et alibi: *f* Vbi pars est corporis, est et totum: eadem est ratio in corpore Domini, quæ in manna, quod in eius figurâ præcessit: de quo dicitur, *g* qui plus collegerat non habuit amplius, neq; qui minus parauerat. habuit minus: Non enim est quantitas visibilis in hoc æstimanda mysterio, sed virtus Sacramenti spiritualis. *h* Nam corpus Domini, sacerdote dispensante, tantum est in exiguo, quantum esse constat in toto: et sicut plenum in vniuersis, ita integrum probatur esse in singulis.

Sed quòd ibi Christus sit, totus sit, secundum magnitudinem sit, credis; qualiter autem sit, nondum intelligis. Theologos *i* consule: Hoc enim copiosissimè ab omnibus quæsitum, ac determinatum est. Et ego velim vt Christum secundum deitatem, animam, & corpus considerares, et secundum existentiam: vt ex his quatuor inuenias, vnde quiescas. De Deitate ait Dionysius: *k* Magnus quidem appellatur Deus iuxta propriam ipsius magnitudinem, quæ magnis omnibus suimet consortium tradit; et extrinsecus super omnem magnitudi-

nem.

f
Ibid. cap.
Vbi pars.

g
Exod. 16.

h
Apud Hieron.
in Hom. de Corp. et San. Chr.

i
In 4. Sen.
di. 10. 13.

k
Lib. de diu. nom.
cap. 2.

nem funditur, et supra expanditur, omnem continens locum, omnem transcendens numerum, omnem transiliens infinitatem. Et subiungit. Paruum verò siue tenue in eo dicitur, quod molem omnem excedit, atq; distantiam; et quod absq; impedimento per omnia pergit: enimverò omnium causa pusillum est, nunquam enim inuenies pusilli speciem imparticipatam. Et concludit. Hoc itaq; pusillum et quantitate caret, et qualitate: tenetur nullo: in finitum est, & interminatum; compræhendens omnia, et ipsum compræhensibile nulli. Animam verò docet Philosophus esse totam in toto, et totam in qualibet parte totius. De corpore autem; *Quid argumentis utimur (ait Ambrosius) suis utamur exemplis; in carnationisq; exemplo astruamus mysterij veritatem: nunquid naturæ vsus præcessit, cum Iesus Dominus ex Maria nasceretur? si ordinem quærimus, viro mixta scæmina generare consuevit: liquet igitur, quod præter naturæ ordinem virgo generauit. Et hoc, quod conficimus corpus, ex virgine est: quid hic quæris naturæ ordinem in Christi corpore, cum præter naturam sit ipse Dominus Iesus partus ex virgine?*

Li de infan-
tian. cap.
9.

III

De San.
Vi& li. 2.
de Sacr.
par. 9.
cap. 21.

gine? Deniq; de existentia inquit Hugo:
m Hic est, ibi est, et totum utroq; est, &
in multis locis similiter. Noli mirari: qui
locum fecit, corpus fecit, et locum in cor-
pore, et corpus in loco. Et qui fecit ut
corpus vnum in vno loco esset, fecit, sicut
voluit; et si aliter voluisset, aliter facere
potuisset. Itaq; non decrescit, non decurtat-
tur, non minoratur Corpus Christi, quia
minor est hostia; sed in sua magnitudine
iugiter perseverat.

IV

Hom. 24.
in 1. ad
Corin.

V

Alb. Krā.
li. 1. c. 9.

Monet utiq; n Chrysostomus, non regi-
um puerum, sed ipsum vnigenitum Filium
Dei nos in Eucharistia accipere. Produunt
utiq; historiæ o Wædekundum, primum Sa-
xonum Ducem, tempore Caroli magni
Christianum factum, cū vidisset in Pa-
schate singulis communicantibus à sacer-
dote in os porrigi infantem. At vero non
proinde censendum, repuerascere Christū,
aut minui, quia eā ætate, ut plerisq; de cau-
sis congruebat, apparuit. Prima quidem, ut
amabilius apparendo, magis alliceret. Se-
cunda, ut quia ingrediens in os videbatur,
magis oris quantitati adactari videretur.
Tertia, ut absq; horrore sumentium id he-
ri commonstraret. Quarta ad Christi pu-
ritatem

CONT

ritat

ritate

couver

non in

dem r

nova e

gens e

li vlt

non r

Chri

duoc

anno

pus p

pus n

in cor

dedit

in tri

Euch

Euch

diuir

ne le

ma

i

ritatem manifestandam. Quinta, propu-
 ritate sumentium: ipso dicente; *p* Nisi *p*
 cōuersi fueritis, et efficiamini sicut paruuli, *p* Matt. 18.
 non intrabitis in regnum cœlorum. Tan-
 dem ratione diei, vt Christi resurrectio, in
 noua creatura designaretur: *q* Qui resur- *q*
 gens ex mortuis iam non moritur, mors il- *Rom. 6.*
 li vltra non dominabitur. Quamuis enim
 non minoris pretij, ac dignitatis sit corpus
 Christi, cū Christus esset quinquennis, aut
 duodennis, quā cū esset triginta trium
 annorum: consecratio tamen respicit tem-
 pus præsens, dum dicimus; *r* Hoc est cor- *r*
 pus meum. Cumq; Christus se Apostolis *Matt. 26.*
 in communione dedit, in ea magnitudine
 dedit, & sic passibilem, sicut tunc erat. Et si
 in triduo mortis eius aliquis ex Apostolis
 Eucharistiam consecrasset, tale corpus in
 Eucharistia fuisset, quale tunc erat: id est
 diuinitati vnitum, sed ab anima, & Sanguine
 separatum. Nunc verò ipsum in ea for-
 ma gloriosa, et magnitudine, in qua est,
 in Eucharistia sumimus; scilicet
 in s mensura ætatis pleni-
 tudinis Chri-
 sti.

f
Ephes. 4.

IN MAIORI, ET MINORI
hostia est equalis virtus.

Cap. xxii.

CONSTAT igitur ex his, si maior Christi quantitas non est in maiori hostia, quàm in minori, neq; maiorem in illa esse virtutem; in quantum utraq; Eucharistia est: nam si maior hostia consideratur, ut oblatio, et sacrificium, patet maiorem inde profectum deriuare, dum viuus & defunctis applicatur. Si autem utraq; ut Eucharistia absolutè perpendatur, et maiorem virtutem haberet hostia maior; vel oriretur ex re contenta; vel ex symbolo continente. Ex re contenta non: nam utrobq; totus est Christus. Ex symbolo, non: nam symbolum non operatur, nisi per virtutem impressam: in Eucharistia vero loco virtutis impressæ est idem Christus. Licet enim maior hostia plenius & distinctius rem contentam significet; non tamen plenior, aut distinctior rem continet, sed æquè plenam, et per suas partes distinctam. Remanet itaq; ut inæqualitas possit esse circa subiectum recipientis, magis minus

nasuè dispositum. Dum quempiam non solum cum minori utilitate, sed ad interitum cum Iuda sumere contingit, si indignè sumat. Et hoc modo maiorem Sacramenti virtutem adipisci potest laicus, etsi minorem hostiam sumat; quàm sacerdos, qui sumit maiorem; si magis dignè sumit, quàm sacerdos. Quid enim est, quod in tertia oratione, ante sumptionem sacerdos dicit: * Perceptio Corporis tui Domine Iesu Christe, quod ego indignus sumere præsumo, non mihi proveniat in iudicium, & condemnationem? nisi quòd si indignè sumit, iudicium sibi sumit, et condemnationem? Quid est, quod ante consecrationem orat, ut oblatio * fiat ei, et populo Corpus, et Sanguis Christi? nisi ut quòd absolute semper fit ex vi consecrationis, fiat etiam relativiè ipsi sacrificanti, et populo; in salutem supple, ac vitam, ex vi communionis?

Hoc profectò debes timere, ne indignè accedas: hoc debes totis viribus procurare, ut quanta potes dignitate & humilitate accedas: ut sumas, non ut præsumas. Licet resideas in altitudine Schlossberg, terrâ es inferior, quæ tibi ante pedes aperitur.

Sis

112. DE QUANTITATE HOSTIÆ.

Sis licet omnium gigantum maximus, Zachæus es: sis licet nobilis, staturâ pusillus es. Quid conscendis in arbores? quid summitates ramorum adis? etsi Atlantem montem pede premas, adhuc Zachæus, adhuc staturâ pusillus es. Vis Christi magnitudinem suscipere? **a** Descende, inquit; à profunditate incipe: profunditas Christi, humilitas eius est: ut humilitatem eius suscipias, requiritur, ut humilieris. Vis amplitudinem? subiungit: In domo tua oportet me manere. Dômum tuam ingredi: conscientiam purga; dilata animam charitate; obices tolle culparum; obstrue rimas malarum cogitationum; sterne ornamenta virtutum: ita Christi maiestas, et magnitudo recipitur, quæ in ipsa hostia continetur, ubi nullum peccati obstaculum inuenitur: ita quod tibi ad interitum esse posset, esset ad vitam. **b** Manduca vitam. **b** bibe vitam; habebis vitam, et integra est vita: Tunc autem hoc erit, id est vita unicuique erit Corpus et Sanguis Christi, si quod in Sacramento visibiliter sumitur, in ipsa veritate spiritualiter manducetur, spiritualiter bibatur.

Luc. 19.

b

Aug. Ser.

2. de Ver.

Ap. ca. 2.

VELA.

VELATVM SE CHRISTVS

præbet propter fidei Sacramentum.

Cap. XXIII.

Sed non vides, quia se velatum exhibet
 Christus: non capis, quia aliquantò ob-
 scurius de hoc Sacramento loquuti sunt
 Patres. Tres *a* aliqui adducunt causas, cur
 Dominus se latenter concedat; fidei, hor-
 roris, et cruoris: ne ob cruorem paganus
 rideat; ne ob horrorem sensus recedat: et
 vt fides meritum habeat. Multi multas
 alias adiecerunt. Sed potissima est ratione
 fidei, vnde fidei Sacramentum nominatur:
 vt mens intueatur, quod caro non aspicit:
 vt exoculati exterius, oculatiores redda-
 mur interiùs, & fortiores. *b* Beatus es Si-
 mon Bariona (ait Dominus) quia caro, et
 sanguis, non reuelauit tibi, sed Pater meus,
 qui in cælis est. Discipulos suos interro-
 gat Christus: *Quem dicunt homines esse fi-
 lium hominis?* Respondent illi: Alij dicunt
 Ioannem Baptistam; alij autem Eliam; alij
 verò Hieremiam, aut vnum ex prophetis.
 Hi quippe tantum dicebant, quantum vide-
 bant, quantum eis caro & sanguinis reue-

*a**4. Sent.
dist. 13.**b**Matt. 16.*

labat. Repetit ille: Vos autem, quem me
 esse dicitis? Respondit Petrus: Tu es Chri-
 stus filius Dei viui. Deus & homo erat
 Christus: sed homo videbatur, et Deus cre-
 debatur. Iacebat in homine Deus, in carne
 deitas tegebatur. Vnde noscitis ô Petre?
 Deus non habet humanam faciem; mem-
 bris corporeis non grauatur; loco non clau-
 ditur; tempore non variatur: cur ergo
 Christum filium Dei viui appellas? Quod
 caro & sanguis non reuelauit, hoc lumen
 fidei aperuit, & descendens à Patre lumi-
 num, apud quem non est transmutatio, nec
 vicissitudinis obumbratio. Hinc beatus fit
 homo; et populus, qui non erat eius popu-
 lus recipitur, et amatur. *d* Populus, quem
 non cognoui, seruiuit mihi; in auditu au-
 ris obediuit mihi. Mira obedientia, obe-
 dire audiendo, audire obediendo; non ob-
 furdescere ad acclamationem; non expe-
 ctare increpationem; non exposcere præ-
 cepti iterationem, aut commentationem:
 protinus vno verbo audire, vno verbo cre-
 dere, & obedire. Bonum est quidem obe-
 dire auditu cordis; quia *e* corde creditur
 ad iustitiam: bonum est internos Dei affa-
 tus intelligere: spiritualibus illis vocibus,
 quibus

f
 Iaco. 5.

d
 Psal. 17.

e
 Rom. 10.

CONT

quibu

ri: le

& ea,

re, &

exaud

th. I

aures

aure

perdu

ad id

physi

câ au

fides,

audir

lo pro

tam.

nuend

alterar

arariu

custo

Eccles

nâ tra

dit: *

Animo

nem.

lofoph

xulter

quibus *f* ad cōr hominis loquitur, assenti-
 ri: sed et bonum est auditu auris obedire: *Osc. 2.*
 & ea, quæ sunt fidei; statim audita crede-
 re, & operibus commendare. *g* Fides enim *g*
 ex auditu, auditus autem per verbum Chri- *Rom. 10.*
 sti. Hi verò duabus auribus audiunt, qui
 aures audiendo excutiunt: qui quod vna
 aure excipiunt, per alteram emittunt, et
 perdunt, Hi pluribus auribus audiunt, qui
 ad id, quod prædicatur ex fide, volunt etiam
 physicas rationes, ut credant. Aure vni-
 cā audit, qui fideliter credit: vna enim est
 fides, vnum baptisma, et vnus Deus. Aure
 audit, qui attentè audit: sicut qui vno ocu-
 lo prospicit, visum attentè dirigit ad me-
 tam. Aurē audit, qui quod audit, aure an-
 nuendo confirmat, Qui quod recipit, per
 alteram aurem non emittit; sed in cordis
 ærarium mittit; et *h* audiens verbum Dei, *h*
 custodit illud. Qui cōfessim credit, quod *Luc. 11.*
 Ecclesia sancta proponit; et vbi vis huma-
 næ trepidat rationis, fidei virtute conten-
 dit: * Quod non capis, quod non vides,
 Animosa firmat fides, Præter rerum ordi-
 nem. Animosa equidem fides. Quis Phi-
 losophorum auderet asserere accidentia e-
 xistere sine subiecto? Corpus Christi in
 I ij hostiâ

116. DE QUANTITATE HOSTIÆ

hostiã exiguã contineri? manducari, & non atteri? Audet tamen hoc dicere fides. Vnde audet? In Christo audet, quia hoc Christus dicit: *i* Caro mea verè est cibus:

i

Ioan. 6.

k

Mar. 14.

* Hoc est corpus meum. Audet fides dicere; audeas et tu credere, vt sis fidelis.

Sed audi, vt audeas: sine mora audi, sine hæsitatione aude, & in auditu auris obedies. Ecce ab ipso sensu tibi auxilium; quid est enim auditus, nisi sensus? et auditus tibi dicit, quod Christus dicit; Hoc est corpus meum, Nunquid quia non omnes sensationes adsunt, verum non est, quod aure sentitur? At sit quidam surdus, sit cæcus, sine olfactu, manibusq; recisis, præbe huic fauum mellis, et gustet; nonne statim diceret illud esse mel? Nihilominus non distinxit digitis, non olfecit, non vidit, ab alijs non didicit: vnico sensu expertus est; cognouit, et confessus est. Huic sufficit lingua, vt gullet; sufficiat tibi auditus, vt credas: siquidem et gustus sæpenumero decipi solet; auditus autem per verbum Christi, nec semel quidem decipi potest. Vbi alij sensus desunt, per vehiculum auditus occurrat fides: * Præstet fides supplementum Sensuum defectui. Quid est supplere? partem

parti

con

parti

non

fides

ficiu

enim

Cur

an al

Don

Don

it, v

quia

acce

mem

nuita

ment

se illu

Chris

sticuri

præbu

placem

quod

ment

ctissim

Adde

acren

m ille

ptere

parti necessariam adijcere: si totum deest, non est supplere, sed totum facere. Supplet fides, ergo omnes sensus non vndequaq; deficiunt, ubi adminiculatur auditus. *I Ego* enim accepi à Domino, tradit Paulus. *1. Cor. ij.*

Cur se à Domino hoc accepisse testatur? an alia Doctoris gentium doctrina non à Domino fuit? sanè omnis Pauli doctrina à Domino fuit, cui vas electionis factus fuit, ut eius nomen gentibus portaret. Sed quia fides est ex auditu, per auditum, ait, se accepisse fidei Sacramentum. Et quia hoc memoria dicitur mirabilium Christi, ne tenuitas ingenij humani, magnitudine Sacramenti titubaret, in cōfirmationem exprimit se illud à Domino accepisse. Adde, quòd Christus in huius potissimum Sacramenti institutione, sibi complacuit, in quo seipsum præbuit; & in eodem sibi quotidie complacet, ob memoriam passionis suæ. Adde, quòd hoc nobilissimum, præ cæteris Sacramentum, nobis reliquit, in quo eius sanctissimo Corpore pascimur, et dicamur.

Adde, quòd illud pretiosissimum medium ac remedium nobis commendavit, per quod *m* ille in nobis, nos in illo manemus; pro *m*pterea ne sumere vllò vnquam casu detre-

Ioan. 6.

staremus, speciatim Apostolo hoc deman-
 davit, vt de tanto mysterio nos instrueret;
 et ut dixit, vt fecit, ita penitus confirmaret.
 Et quemadmodum nuncius erſi multa ha-
 beat in mandatis à Principe; de eo tamen,
 quod Principi magis eſt cordi, et maioris eſt
 momenti, dicit: Hoc mihi Dominus in le-
 gatione præcepit, hoc mihi impoſuit; cum
 et alia impoſuerit: ita et Paulus doctrinam
 de Sacramento ſe à Domino accepiſſe pro-
 poſuit: vt populus gentium, qui Deo non
 notus, dicebatur, id eſt, de lege nondum e-
 ruditus, ſeruiret Deo; eiſq; in auditu auris,
 nempe fidei, obediret. *¶* Filij autem alie-
 ni mentiti ſunt, et claudicauerunt à ſemi-
 tis ſuis. Hæretici et ipſi quondam fuerunt
 Eccleſiæ filij, ſed apoſtataſtes à fide, alie-
 nati ſunt ab Eccleſia; & facti ſunt item fi-
 lij, ſed filij alieni, id eſt filij Belial. Factiſq;
 ex leges, ſibi ſomniant leges; ecquid non
 faciunt, vt mentiantur Eccleſiæ? Scripturas
 canonicas exterminant; immutant verba,
 peruertunt ſententias; extorquent ſigni-
 ficationes; addunt, minuunt, confundunt:
 et ſibi ipſis, retorectis jaculis mentiuntur,
 dum reuerſa Eccleſiæ mentiri minimè poſ-
 ſunt. *o* Alienati ſunt peccatores à vulua,

¶
 Pfal. 17.

o
 Pfal. 57.

errauit

errauerunt ab utero, loquuti sunt falsa. A qua vulua? ab ipsa exordiente Ecclesia. A quo utero? ab eadem Ecclesia, postmodum per orbem vniuersum diffusà: hinc alienati, mentiti sunt, loquuti sunt falsa, in alios atq; alios errores reciderunt. De quibus sic ad Trallianos scribit Ignatius: *p* Sunt quidam vaniloqui, et mentis seductores, *Epiſt. 1.* sed Christum mercantes; seductione circumferentes nomen Christi, et cauponantes verbum Euangelij: nominant enim Christum, non vt Christum prædicent, sed vt Christum spernant: et legem proferunt, non vt legem statuunt, sed vt legi contraria annuncient.

*CVR SANCTI SVB OSCV-
rè de hoc Sacramento tractarunt.*

Cap. xxiiii.

Hinc vna ex rationibus proficiscitur, cur Sancti obscurius de hoc Sacramento tractarunt: *a* Quæ lector agnoscis (inquit Ambrosius) infidelis intelligere non debet: Non quo cibus imperetur, aut potus; sed sacræ oblationis

I iij vene-

Lib. 7. in
Luc. 6. 16

110. DE QUANTITATE HOSTIÆ.

veneranda Communio reueletur: Non ergo interdictum est muneris, sed religionis mysterium.

Altera: propter minus peritos auditores:

b Nunquid (ait Ignatius) non poteram vobis secretiora scribere? sed timeo, ne parvulis vobis constitutis lesionem imponam.

Ep. 1. ad
Trall.

Deinde, ad leuissimam quidem erroris suspicionem euitandam: **c** Veruntamen (inquit Origenes) sciendum est, quòd ex hostijs, quæ offeruntur, licet concedantur sacerdotibus ad edendum, non tamen omnia conceduntur: sed pars ex ipsis aliqua Deo offertur, et altaris ignibus traditur: vt sciamus etiam nos, quod etsi conceditur nobis aliqua ex diuinis scripturis apprehendere, & agnoscere, sunt tamen aliqua, quæ Deo referenda sunt: quæ cum intelligentiam nostram superent, sensusq; eorum supra nos sit; ne fortè aliter à nobis, quàm se habet veritas, proferantur, melius igni ista seruemus.

c
Hom. 3.
in Leu. 7.

Tum verò, ad rei præstantiam, atq; difficultatem insinuandam: nam sunt non nulla, quæ omnibus quidem facere necesse est, nec tamen ratio eorum omnibus patet.

d Eucha-

CON

Euc

pien

dæ;

verb

terro

cilè

hac

mer

quir

lijs

P

obq

insti

intel

meda

possu

rant

Pr

rorer

Sicub

geret

nus r

ritati

senfu

salub

cina

pieta

Eucharistia enim (ut idem ait) siue percipiendæ, siue eo ritu, quo geritur, explicandæ; vel eorum, quæ geruntur in baptismo verborum, gestorumq; et ordinum, atq; interrogationum ac responsionum, quis facile explicet rationem? Et tamen omnia hæc opera, et velata portamus super humeros nostros, cum adimplemus ea, et exequimur, et à magno Pontifice, atq; eius filijs tradita, et commendata suscepimus.

Postremo ob eundem fidei profectum, ob quem Dominus in diuersis speciebus eam instituit: *e* Plures enim credendo, quàm intelligendo, has carnes comedunt. *Co-*medant igitur, qui possunt, qui verò non possunt credant, et charitatis igne comburant (docet Eusebius).

Propter quas easdem rationes, hæc ad errorem Osuualdi confutandum sufficiant. Sicubi vero me plura dixisse, quàm res exigeret, arbitraris, hæc Diuus Pater Augustinus respondet: *f* Si rationi perspicuæ veritatis infirmus humanæ consuetudinis sensus non auderet obistere, sed doctrinæ salubri languorem suum, tanquam medicinæ subderet, donec diuino adiutorio, fide pietatis impetrante, sanaretur; non multo

d
Hom. 3. in
Num. 4.

Emis. ser.
2. post
Pascha.

Lib. 2. de
Ciu. Dei.
cap. 2.

sermone opus esset, ad cōvincendum quemlibet vanæ opinionationis errorem ijs, qui rectè sentiunt, et sensa verbis sufficientia explicant. Sicubi vero alia desideras, et noua quæris, *g* Quis disceptandi finis erit, et loquendi modus, si respondendum esse respondentibus semper existimamus? *h* Sapiamus igitur ad sobrietatem.

g
Ibid.

h
Rom. 12.



L.
m-
re-
ex-
to-
et

SANCTÆ ROMANÆ
ECCLESIAE

Catholicæ, atq; Apostolicæ;
Firmamento, & Columnæ
Veritatis;

Scripta sua, seq; ipsum
Auctor humillimè
subijcit.

ELENCHVS

Capitulum.

DE origine Wilthinensis, ac Seëfeldensis Monasteriorum.

Cap. i.

Pag. 1.

De institutione Ecclesiæ, et Monasterij in Seëfeld.

Cap. ii.

Pag. 3.

De mutatione et perfectione Seëfeld

Cap. iii.

Pag. 5.

De errore Osuualdi Milseri, maiori hostiâ communicare attentantis, et de sequutis inde miraculis.

Cap. iiii.

Pag. 7.

Quòd presbyter laicum hostiâ maiori communicando, peccauit.

Cap. v.

Pag. ij.

Quòd non peccauerit presbyter: obijci-
tur, et respondetur.

Cap. vi.

Pag. 17.

Erroris Osuualdi quantitas, et quali-
tas à iudicij diuini ostensione com-
prehenditur.

Cap. vii.

Pag. 27.

De dua.

De duabus demonstrationibus circa
altare.

Cap. viii.

Pag. 30.

De eruptione et defectu terræ.

Cap. ix.

Pag. 34.

Num error Osuualdi fuerit hæresis; et
num ipse hereticus.

Cap. x.

Pag. 39.

Vxor Osuualdi hæresim repræsentat.

Cap. xi.

Pag. 43.

A reliquis malæ scemina vitij descri-
bitur hæresis.

Cap. xii.

Pag. 48.

Per Scharnitz describitur hæresis.

Cap. xiii.

Pag. 52.

De duobus consequentibus.

Cap. xiiii.

Pag. 59.

De multitudine hostiarum legis.

Cap. xv.

Pag. 65.

De vnitatē hostiæ Euangelij.

Cap. xvi.

Pag. 70.

Multas habet hostias Euangelium et
vnam.

Cap. xvii.

Pag. 75.

De vni-

De unitate hostiæ in Sacrificio, et
Communione.

Cap. xviii. Pag. 80.

De potestate Ecclesiæ super dispensa-
tionem Sacramentorum, et de qui-
busdam hostiæ distinctionibus.

Cap. xix. Pag. 87.

Decuit maiorem hostiam Sacrificio,
minorem Communioni decernere.

Cap. xx. Pag. 94.

Corpus Christi in eadem quantitate
est in minori hostia, ac in maiori.

Cap. xxi. Pag. 102.

In maiori, et minori hostia est æqualis
virtus.


Cap. xxii. Pag. 110.

Velatum se Christus præbet propter
fidei Sacramentum.

Cap. xxiii. Pag. 113.

Cur Sancti suboscure de hoc Sacra-
mento tractarunt.

Cap. xxiiii. Pag. 119.




80.
nfa.
qui.
6.
87.
io,
ere.
94.
rate
iori.
102.
alis
110.
pter
113.
cra-
119.



olotheca 1.000,-
P.P. Camaldulensium in Bielany

Depozyt w Bibliotece Jagiellońskiej



09715

N.VI.34

De vnitatē hostiæ in Sacrifici
Communione.

Cap. xviii.

De potestate Ecclesiæ super
tionem Sacramentorum
busdam hostiæ distincti

Cap. xix.

Decuit maiorem hostiam
minorem Communionem

Cap. xx.

Corpus Christi in eadem
est in minori hostia, ac

Cap. xxi.

In maiori, et minori hostia
virtus.

Cap. xxii.


Velatum se Christus præ
fidei Sacramentum.

Cap. xxiii.

Cur Sancti suboscure de
mento tractarunt.

Cap. xxiiii.

Pag. 119.



408
P.P. Ca



408855 Bibliotheca 1.000,-
P.P. Camaldulensium in Bielany

Depozyt w Bibliotece Jagiellońskiej



09715

N.VI.34

